

6  
12

程

宋岳珂著

史

上

進步書  
局校印

新加坡  
知不足齋  
印

程史提要

宋岳珂撰凡十五卷載南北宋雜事頗寓褒刺中如范石湖一言悟主慶元公議黃潛善諸條俱較正史為賅備石城保寨及汴京故城攻取形勢尤為詳贍史學攸資迥非委巷流傳之小說可比唯史以程名不解何義考工記注謂程為車杠說文解字謂程為牀前几皆與著書之義如風馬牛不相及未審珂何以命此名也

程史卷第一

宋 相臺岳珂

高宗覽婁陟明寅亮之義垂意祖烈詔擇秦支並建二王卹思禮未有隆殺也會連歲芝生太宮百執事多進頌詩張紫微考祥時在館獨獻文曰原芝紹興二十四年芝生於太廟楹當仁宗英宗之室詔羣臣觀瞻奉表文德殿賀既二年芝復生其處校書郎臣張孝祥作原芝曰非天私我有宋我祖宗在天篤丕祐於子孫明告之符於惟欽哉在昔仁祖登三咸五以天下為公授之英宗以永我基祚於惟欽哉我聖天子躬濟大業既平既治上怡下嬉惟大本未立社稷宗廟之靈亦靡克寧饗有輝茲芝胡為乎來天惟顯思命不易哉和氣致祥敢曰不然曷不於他乃廟產旃曷不於他於二宗之室曷不於他再歲再出於惟欽哉天意則然我祖宗之意則然於惟欽哉小臣敢告我聖天子告我聖天子承天之意承祖宗之意早定大計惟一無貳紛以貳起辛伯有言惟貳惟一治紹所源匪弗圖之憂惟貳之懼敢告聖天子為萬世神靈爾小臣越職罪死弗罪以思惟我聖天子言有一得以裨吾國萬死奚恤渠敢定死而畏越厥職上得之喜即擢為南宮卽於是內廷始漸有所別迄於建儲云

唐李淳風作推背圖。五季之亂。王侯崛起。人有倖心。故其學益熾。開口張弓之識。吳越至以徧名其子。而不知兆昭武基命之烈也。宋興受命之符。尤為著明。藝祖即位。始詔禁讖書。懼其惑民志。以繁刑辟。然圖傳已數百年。民間多有藏本。不復可收拾。有司患之。一日趙韓王以開封具獄奏。因言犯者至眾。不可勝誅。上曰。不必多禁。正當混之耳。乃命取舊本。自己驗之外。皆棄其次。而雜書之。凡為百本。使與存者並行。於是傳者情其先後。莫知其孰謬。問有存者。不復驗。亦棄弗藏矣。國朝會要。太平興國元年十一月。諸州解到習天文人。以能者補靈臺。謬者悉黥流海島。蓋亦障其流。不得不然也。

國初三徐名著江左。皆以博洽聞中朝。而騎省鉉又其白眉者也。會修述職之貢。騎省實來。及境例差官押伴。朝臣皆以辭令不及為憚。宰相亦聽其選。請於藝祖。玉音曰。姑退朝。朕自擇之。有頃左璫傳宣殿前司。具殿侍中不識字者十人。以名入宸筆。點其中一人曰。此人可在廷。皆驚。中書不敢請趣使行。殿侍者慌不知所錄。簿弗獲。已竟往渡江。始燕騎省詞鋒如雲。旁觀駭愕。其人不能答。徒唯唯。騎省巨測強聒。而與之言。居數日。既無與之酬復者。亦勅且默矣。余按當時陶竇諸名儒。端委在朝。若



使角辯聘詞庸詎不若鉉藝祖正以大國之體不當如此耳其亦不戰屈人兵之上策歟其後王師征包茅於煜騎省復將命請緩師其言累數十言上諭之曰不須多言江南亦何罪但天下一家卧榻之側豈容他人鼾睡耶大哉聖言其視騎省之辯正猶螢燭之擬羲軒也騎省名甚著三徐者近世或概為昆弟余嘉定卒未在故府樓宣獻鑰嘗出手編辨鸞岡三墓余謝不前考後讀周文忠必大游山錄有衛尉卿延休騎省鉉內史錯蓋父子甚明而余已去國不復得請益云

六朝建國江左臺城為天闕復築石頭城於右宿師以守蓋如古人連營之制然古今議攻守者多疑以為分兵力而無用東陽陳同父亮嘗上書乞移都建康謂古臺城當在今鍾山而大司馬門在馬軍新營之側今城乃江南李氏所築耳使六朝因今城以守則不費侯景輩數日力何以歷年如彼其久乎因言曹武惠登長干元木上雨花臺城中秋毫不能邀余嘗親歷其地其說皆是第指古臺城所在要未有明據亦出臆度自清凉寺而上皆古石頭顧墉猶可識其址皆依山而高然則六朝非不知備也楊文節萬里持漕節嘗有詩曰已守臺城更石城不知併力或分營六師只合環天闕一壘真成借寇兵向者王蘇俱解此冤哉愧協可憐生若言虎踞澤堪

倚萬歲千秋無戰爭。其旨明矣。淳熙乙未。郭棣帥淮東。築維揚城。又旁築一城曰堡。寨地皆砥平。相去餘數里。雖牽制之勢。亦不相及。竟不曉何謂。猶不若石城之得失相半也。

湯岐公思退相高宗。紹興三十一年。以煩言罷。洪文安遵在翰林當直。例作平語。諫官隨而擊之。以祠去。孝宗朝。再相。隆興二年。復罷。文安之兄文惠。造適視草馬。又作平語。侍御史晁公武亦擊之。文惠請外。上曰。公武言卿黨思退。朕謂平詞。出朕意。固卻其章。仍徙戶侍矣。蓋其相兩朝。再罷相。乃累洪氏二兄弟先後若出一轍。可笑如此。岐公中詞科時。與文敏遵實同年云。

神宗朝。王襄敏初在京師。會元夕。張燈。金吾弛夜。家人皆步出。將帷觀馬。幼子某第十三。方能言。珠帽。襍服。馮扇以從。至宣德門。上方御樓。柳雲綵。鼙吹雷動。士女仰視。喧擁。聞咽。轉盼已失所在。駟馭皆懼。擾不知所為。家人不復至。惟次狼狽歸。未敢白。請捕。襄敏訝其反之。亟問知其為南陵也。曰。他子當逐訪。若吾第十三。必能自歸。怡然不復求。咸叵測。居旬日。內出犢車至第。有中大人下宣旨。抱南陵以出。諸車家人驚喜。迎拜天語。既定。問南陵以所之。乃知是夕也。姦人利其服裝。自襄敏第中。已稿

跡其後既負而趨南陔覺負已者之異也。亟納珠帽於懷。適內家車數乘將入東華。南陔遇之。攀轡呼焉。中大人悅其韶秀。抱負之膝。翌早擁至上閣。以為宜男之祥。上問以誰氏。疎然對曰。兒乃韶之幼子也。具道所以。上顧以占對不凡。且歎其早慧。曰。是有子矣。令暫留。欽聖鞠視。密詔開封捕賊。以聞。既獲。盡戮之。乃命載以歸。且以具獄示襄敏。賜壓驚金。犀錢果直鉅萬。其機見於幼年者已如此。南陔采自號政和間。有文聲。敢為不訕。充其功者也。余在南徐。與其孫遇游。傳其事。

景祐末。有二狂生。曰張曰吳。皆華州人。薄游塞上。現覽山川風俗。慨然有志於經略。耻於自售。放意詩酒。語皆絕豪。嶮驚人。而邊帥秦安皆莫之知。偃無所適。聞夏酋有意窺中國。遂叛而往。二人自念不力出奇。無以動其聽。乃自更其名。即其都門之酒家。劇飲終日。引筆書壁曰。張元昊。昊來飲此樓。邇者見之。知非其國人也。迹其所想。執之。夏酋詰以入國問諱之義。二人大言曰。姓尚不理會。乃理會名。非時囊實未更名。且用中國賜姓也。於是疎然異之。日尊寵用事。寶元西事益始。此其事。國史不書。詩文雜見於田承君集。沈存中筆談。洪文敏容齋三筆。其為人概可想見。文敏謂二人名偶與酋同。實不詳其所以更之意云。

王沆者德安人仕至撫州守嘗從張紫微學詩紫微罷荊州侍總得翁以歸偕之游廬山暇日出詩卷相與商確自謂有得山南有萬杉寺本仁皇所建奎章在焉紫微大書二章其一曰老幹參天一萬株廬山佳處著浮圖祇因買斷山中景破費神龍百斛珠其二曰庄田本是昭陵賜更著官船載御書今日山僧無飯喫却催官欠意何如沆得此詩獨憮然不滿意曰先生氣吞虹霓今獨少卑之何也紫微不復言送之江津別去纔兩旬而得湖陰之訃矣紫微益於此絕筆沆是時亦自有二十八字曰昭陵龍去奎文在萬歲靈杉守百神四十二年真雨露山川草木至今看紫微大擊節自以為不及既而復過是寺又題其碑陰曰碧紗籠底墨纒乾白玉樓中骨已寒淚盡當時聯騎客黃花時節獨來看亦紆徐有味云沆所作詩號義豐集刻江津其出於藍者蓋鮮校官馮椅為之序

淳熙己酉哲文倦勤詔以北宮為重華宮光宗既登極羣臣奉表請以誕聖日為重明節如故事時先君召還省聞過鄉邦維舟琵琶亭新暑初裊小憩亭上有術者以折字自名過焉因漫呼問家人字蹟多奇中命飲之酒忽作而曰近得邸報乎重華重明非佳名也其文皆二千日兆在是矣先君掩耳起亟以數鑲謝遣之既而甲寅之

事果如其言。此與大平興國一人六十之讖無異。豈天道證應固有數乎。抑符合之偶然也。

開寶戊辰。藝祖初修汴京。大其城址。曲而宛。如蚓趾焉。耆老相傳。謂趙中令鳩工。奏圖初取方直。四面皆有門。坊市經緯其間。井井繩列。上覽而怒。自取筆塗之。命以幅紙作大圖。紆曲縱斜。旁注云。依此修築。故城即當時遺迹也。時人咸因測多病。其不宜於觀美。熙寧乙卯。神宗在位。遂欲改作。鑿苑中牧豚及內作坊之事。卒不敢更。第增隄而已。及政和間。蔡京擅國。亟奏廣其規。以便宮室苑囿之奉。命宦侍董其役。凡周旋數十里。一撤而方之。如矩墉堞樓櫓。雖甚藻飾。而蕩然無曩時之堅樸矣。一時廷功第賞侈其事。至以表記兩命詞科之題。概可想見其張皇也。靖康胡馬南牧。粘罕幹离不揚鞭城下。有得色曰。是易攻。下令植砲四隅。隨方而擊之。城既引直。一砲所望。一壁皆不可立。竟以此失守。沈幾遠睹。至是始驗宸筆所定圖。承平時藏秘閣。今不復存。

施宜生。福人也。少游鄉校。有僧過焉。與之言。引之鱸堂下。風簷杲日。援手周視曰。余善風鑑。子有奇相。故欲驗子術耳。歸他日。當語子。又數年。遇諸塗。宜生方躡場屋。不

勝困欲投筆漫徵前說以所向扣之僧出酒一壺與之藉草飲復援其手曰面有權骨可公可御而視子身之毛皆逆上且覆腕然則必有以合乎此而後可貴也時范汝為訂建劍宜生心欲以嚴莊尚讓自期而未脫諸口聞其言大喜杖策徑謁予以秘策汝為恨得之晚亟尊用之亡何而汝為敗變服為傭渡江至秦有大姓吳翁者家僮數千指擅魚鹽之饒宜生傭其間三年人莫之覺也翁獨心識之一日屏人問曰天下方亂英雄鏖跡亦理之常我視汝非傭必以實告不然且捕汝於官宜生不服曰我服傭事惟恭主人乃爾真疑請辭而已翁固詰之則請其故翁曰汝動作皆傭而微有未盡同者余日者燕客執事咸餞而汝獨孫諸傭撤器有嗚聲若欲然不怡此魚服而角也我固將全汝而何以文為宜生驚汗亟拜曰主實生我不敢匿遂告之繇翁曰官購方急圖形遍城野汝安所逃龜山有僧可託以心余交之舊矣介以入北策之良也從之翁贖之金隱之衲至寺服緇童之服以求納主傭者出儼然鄉校之所見也啟緘而留之餘數旬持挽夜濟宜生於淮曰大丈夫富貴命耳予無求報心天實命汝知復如何必得志毋忘中國逆而順天所祐也虜法無驗不可行遂殺一人於道而奪其符以至於燕上書自言道國虛實不見用糜而致之黃龍會赦

得釋因以教授自業。虜有附訖。畔歸之士。謂之歸義。試遣捷逆亮時。有意南牧。校獵國中。一日而獲熊三十六。廷試多士。遂以命題。蓋用唐體。宜生奏賦曰。聖天子講武功。雲屯八百萬騎。日射三十六熊。亮覽而喜。擢為第一。不數年。任至禮部尚書。紹興三十年。虜來賀正旦。宜生以翰林侍講學士為之使。朝廷聞之。命張忠定。兼以吏部尚書侍讀館之都亭。時戎盟方堅。國備大弛。而謀者傳造舟調兵之事。無虛日上。意不深信。館者因以首丘風之。至天竺。微問其的。宜生顧其介不在旁。忽度語曰。今日北風甚勁。又取几間筆扣之曰。筆來筆來。於是始大驚。及高景山告暴。而我粗有備矣。宜生實先漏師焉。歸為介所告。烹而死。宜生方顯時。龜山僧至其國。言於亮而尊顯之。俾來驛至京。東視海舟。號天使。國師不知所終。僧蹤跡有異。淮人能言之。出入兩境如跳河。輕財結客。又有至術。髡而使者也。逆而顯順。而幾豈非其相然耶。推理於先。一折枝而贖其惡。固神理之所不容也。國史逸其事。余聞之。淮士臧子西如此。余居員山。在盩城之中。先君未卜築時。嘗為戎帥皇甫斌宅。斌歸於袁虛。其室山有堅土。凡市之塗。整版築。咸得而舂致之。無孰何者。遂罄其半。獨餘一面壁。立余家。既來始厲其禁。而山已不支。慶元元年五月。大雨潰其巖。古冢出焉。初僅數覺。流下其

上有刻如瑞草旁着字曰晉永寧元年五月造又有匠者姓名曰張某下有文如押字隸或得之以獻莫知所從來居數日而山墮聖周半墜骨髮棺槨皆無存矣兩旁列瓦盈二十有餘壁有一燈尚熒熒取之即滅猶有油如膏見風凝結不可挾盈中有甘蔗節他皆已化有小瓮餅如硯滴數其背為蝦蟆形製甚朴足下有一瓦盆如葵器有銅帶數銖榘合餘者一片傳木如鐵有半鏡一銅盆絕類今洗羅殊無古制度中有雙魚盆底有四鏤附者不測其所以用一銅杆穴底與市井庖人汁器同制每甕著年月姓名如先搜者環聖皆是碣曰晉征虜將軍墓余既哀而揜之既數日復雨山無址竟埋焉余考晉書永寧蓋惠帝年踰距今九百餘載是時蓋未有城郭征虜之名漢雖有之在晉以此官顯者不著於史又無名氏可見甕甕必有字古人作事如此不苟押字之制世以為起於唐韋陟五朶雲而不知晉已有之余固疑其似而非又不可強識亦可異也凡物皆腐而燈燭尚明驪山人魚之說固容有之蕭統文選弔溟漠君文亦有蔗意其叢核之所重云陶器以再墮皆碎裂餘或為親識問持去盆杆僅在而余侍親如閨留於家丙辰歲詔禁挾銅者州家大索以輸嚴之神泉監家人懼汚復偕送官獨盆偶橫他所今乃扁然存其出其毀要必有時亦可致



也國志於此以俟博識

程史卷第一終

程史卷第二

宋 相臺岳珂

行都之山。肇自天目。清淑扶輿之氣。鍾而為吳。儲精發祥。肇應宅緯。員山之址。有門曰朝天。南循其匯。為大宮。又南為相府。斗拔起數峯。為萬松八盤嶺。下為鈞天九重之居。右為複嶺。設周廬之衛。止焉。舊傳識記曰。天目山垂兩乳。長龍翬鳳舞。到錢塘山。明水秀無人會。五百年間出帝王。錢氏有國。世臣事中朝。不欲其語之間。因更其末章三字曰。異姓王。以遷就之。識實不然也。東坡作表。忠觀特表。出其事而識始章。建炎元二之災。六龍南巡。四朝奠都。帝王之真。於是乎驗。朝天之東。有橋曰望仙。仰眺吳山。如卓馬立。顧紹興間。望氣者以為有鬱葱之符。秦檜頡國心利之請。以為賜第。其東偏。即檜家廟。而西則一德格天閣之故居也。非望挺凶。鬼瞰其室。檜薨於位。培猶惡。不能決去。請以其姪常州通判烜為光祿丞。留蒞家廟。以為復居之萌。弟言者風聞。遂請罷烜。併遷廟主於建康。遂空其居。高宗特倦勤。詔即其所築新宮。賜名德壽居之。以膺天下之養者。二十有七年。清蹕躬朝。歲時燁奕。重華繼御。更慈福壽慈。凡四侈鴻名。宮室實皆無所更。稍北連臺。為今佑聖觀。蓋普安故邸。莊文魏王。

光宗皇帝實生是問。今上亦於此開甲觀之祥。益知天瑞地靈。章明有待。斗筭負乘。固莫得而妄據云。

王荆公在熙寧中作字說行之天下。東坡在館一日因見而及之曰。丞相曠微官窮。制作某不敢知。獨恐每每牽附學者承風。有不勝其鑿者。姑以犇麤二字言之。牛之體壯於鹿。鹿之行速於牛。今積三為字。而其義皆反之。何也。荆公無以答。迄不為變。黨伐之論於是浸潤黃岡之賤。蓋不特坐詩禍也。

淳化四年十二月蜀寇王小波死。李順繼之。明年正月己巳。即蜀王位。五月丁巳。兩川招安使王繼恩克成都。順就擒。開禧二年正月。大將吳曦叛蜀。歸款於虜。甲午。即蜀王位。丁酉。受虜冊。二月己亥。隨軍轉運安丙奉密語。梟曦於興州。說者析順字。謂居川之旁。一百八日。析曦字。謂三十八日。我乃被戈。較其即位受策之日。不差毫髮。又俱終始於蜀。嘻。亦異矣。

隆興初。孝宗銳志復古。戒燕安之樵。躬御鞍馬。以習勞事。做陶侃運甓之意。時召諸將擊鞠殿中。雖風雨亦張油布。布沙除地。羣臣以宗廟之重。不宜乘危。交章進諫。弗聽。一日。上親按鞠。折旋稍久。馬不勝勤。逸入廡間。簷甚低。觸於楹。使陸驚。噉失色。亟

奔湊馬已馳而過上手擁楯垂立扶而下神采不動顧指馬所往使逐之殿下皆稱萬歲蓋與藝祖抵城挽繫事若合符節英武天縱固宜有神助也

承平時國家與遼數盟文禁甚寬輅客者往來率以談謔時文相娛樂元祐間東坡實膺是選遼使素聞其名思以奇困之其國舊有一對曰三光日月星凡以數言者必犯其上一字於是徧國中無能屬者首以請於坡坡唯唯謂其介曰我能而君不能亦非所以全大國之體四始風雅頌天生對也蓋先以此復之介如言方共歎愕坡徐曰某亦有一對曰四德元亨利使雅好欲起辯坡曰而謂我忘其一耶謹閱而舌兩朝兄弟邦卿為外臣此固仁祖之廟諱也使出不意大駭服既又有所談輒為坡逆救使自愧弗及迄白溝往反辭舌不敢復言他

東陽陳同父資高學奇跌宕不羈嘗與客言昔有一士鄰於富家貧而屢空每羨其鄰之樂旦日夜冠謁而請焉富翁告之曰致富不易也子歸齋三日而後予告子以其故如言復謁乃命特於屏間設高几納師之資贊揖而進之曰大凡致富之道當先去其五賊五賊不除富不可致請問其目曰即世之所謂仁義禮智信是也士盧胡而退同父每言及此輒掀髯曰吾儒不為五賊所制當成何等人耶既魁癸丑多士

一命而卒。先一年當以註誤繫大理。光宗知其名特詔赦之。是歲臚傳有因廷策指時政之失。而及其事者名亦在鼎甲。聯籍入團司。同父見之不悅。終期集如始見云。國學以古者五祀之義。凡列齋扁榜。至除夕必相率祭之。遂以為爐亭守歲之酌。祝辭惟祈速化而已。羣儒執事者幅而不帶。以緇代之。謂之叨冒。爵中皆有數鴨。脚每獻則以酒沃之。謂之佞倖。凡今世之登科級者。人或竊以此目之。則佛然而怒。孰知堂堂成均。乃有願而不獲者乎。余謂不然。蜡狂之戲。以弛張觀之可也。余里士柳三聘肄業立禮齋。嘗為余言如此。

余外家居泉之石龜。其旁有天聖間皇城使蘇某者墓。後隴中斷。田其間曰狗骨洋。九江陶氏有駭衛將軍。靈墓於石龍山之原。山折而南。溝而絕之。曰掘斷嶺。石門澗有支阜。下至落拖山。據其支之腰。皆田。田中有大畦焉。砥平而高。可播種石餘。曰銅釘坵。傳者謂其地有休符。太史嘗占之。以聞於朝。有詔夷鑿洋。故有神工。每欲成。輒役萬鬼而填之。役夫不得休。有宿其旁者。聞鬼言以為所畏者犬厭耳。遂烹羶犬而寘骨焉。釘以銅為書符。豕以絕地脉。或曰殺童男女。瘞其下為厭勝。是為童丁。說皆不根。誕謾。然余嘗親歷其地。坵乃一平疇。在大阪中支阜之下。猶十餘里。所止處初

無冢穴。莫知其所以用。洋與嶺俱隱。然有鋤治故跡。耕者或謂得骨於故處。考之業主之質劑。則地名皆信然。殊不可晚。清臺考驗近世罕有精者。妄一男子。謂某所有某氣。輒隨而發之。戕人用牲勞民。以夷墜。詰應於恍惚。固清朝之所不為也。他所如此名者。比比而是。要皆山有偶然低窪。相襲而益訛。考之載籍。皆無所見。惟續皇王寶運錄。有唐金州刺史崔克封用大白山人之說。掘牛山黃巢谷金桶水一事。不書於唐史。益不經之說。而余所書崇寧鑿阜城王氣。僅雜見於野史云。

金陵牧牛亭。秦氏之丘隴在焉。有移忠旌忠寺。相去五里。金碧相照。楊誠齋嘗乘輅遇之。題詩壁間曰。函關只有一樓侯。灑館寧無再帝丘。天柱八重心未死。台星三點折方休。只看壁後新亭策。恐作移中屬國羞。今日牛羊上丘隴。不知丞相更嗔不復自注其下云。秦暮年起大獄。必殺張德遠。胡邦衡等五十餘人。不知諸公殺盡。將欲何為。秦垂上而卒。故有新亭之句。然初節似蘇子卿而晚謬。余嘗過其地。二剎正為其家。不檢子孫所挽。主僧相繼而逃去。有一支位者。主之以寺歸之。官刻大碑於門。不許其家人之與其事。始稍復振。檜墓前隊碑。宸奎在焉。有其額而無其辭。卧一石草間。曰當時將以求文。而莫之肯為。今已矣。檜在傍。不久即逃歸。捷辣實縱之。不知

何以似子卿也

清漳楊汝南少年時以鄉貢試臨安待捷旅邸夜夢有人以油沃其首驚而寤勝既出輒不辨如是者三竊怪之紹興乙丑復與計偕懼其復夢也榜揭之夕招同邸者告以故益市酒釀明燭張博具相與劇飲期以達旦夜向闌四壁咸寂有僕曰劉五臥西牖下呻呼如虜亟振而呼之醒乃具言初以執爨之馭視博方酣幸主之不呼竊就枕忽有二人者扛油鼎自樓而登倉皇若有所訪顧見主之在坐也執而注之我怒而爭是以虜汝南聞之大慟曰二千里遠役今復已矣同邸亦相與數咤為之罷博及明漫強之觀勝而其名儼然中焉視勝陳於地黯若有迹振衣拂之油漬其上益御史泄書淡墨以夜倉猝覆燈益吏不敢以告也宛陵吳勝之未勝淳熙辛丑得雋於兩宮將赴廷對去家數十里有地名曰朱唐舟行之所必經里之士夜夢有語之者曰吳勝之入都至朱唐而反矣起而告諸人時吳有親在垂白意其或危於行也私憂之既而無他集英賜第乃在第三甲上曰朱端甫聯之者曰唐庚始悟所夢里士怒曰吳勝之登科何與我事鬼乃侮我耶二事絕相類要知科第有定分非可以智力求也唐有升甲思今登科記非元次第云汝南余外祖母楊宜人之兄外家



能誦傳之。嘉定庚午，余官故府，與勝之為寮，皆親聞其言。

舒之望江，有富翁曰陳國瑞，以鐵冶起家，嘗為其母卜地，青烏之徒輻集，莫通其意。有建寧王生者，以術聞，延之踰年，始得吉於近村。有張翁者，業之國瑞治家，未嘗問有無，一以接其子。王生乃與其子計，所以得地，且曰：陳氏卜葬，環數百里，莫不聞。若以實言，則龍斷取資，未易厭也。於是偽使其治之，謀如張翁家，議圖豕。若以禱者，因眺其山木之美，而譽之曰：吾治方之炭，此可密以得資。翁許之乎？張翁固弗疑也。曰：諾。居數日，復來，遂以錢三萬成約。國瑞始來，相其山大喜，築垣繕廡，三閱月而大備。遂葬之。明年清明，拜墓上，王與子偕，忽顧其子曰：此山得之何人？厥直凡幾？子以實告。又顧王曰：使不以計勝，則為直當幾何？曰：以時賈商之，雖廉猶三十萬也。國瑞亟歸，命治具鞍馬，謁張翁而邀之。至則館焉，盛設醢，相與款洽者幾月，語不及他。翁既久留，將告歸，復張正堂而醢之酒，五行輦錢絡三百，真之作實，縑於篋，酌酒於筭，而告之曰：子葬子母，人謂其直之賤，請以此為翁壽。翁錯愕曰：吾他日伐山而薪，不盈千焉，三萬過矣。此惡敢當。國瑞曰：不然，葬而買地，宜也。詭以為治，則非也。余子利一時之微，以是約翁，人皆曰直實至，是用敢以為請。凡子之為，將以愧吾子之見利忘。

義者翁卒辭曰。當時固已許之。實又過直。子欲為君子。老夫雖賤。可強以非義之財耶。固投之。往反撐拒。詰旦拂衣去。國瑞乃怒其子曰。汝實為是。必為我致之。不得已。密召其子昇焉。曰。是猶翁也。翁竟不知。嗟夫。世之人以市道相交。一錢之爭。至於死而不悔。聞二人之風。亦可以少愧乎。

廬陵劉改之。過以詩鳴。江西厄於韋布。放浪荆楚。客食諸侯間。開禧己丑。過京口。余為饗幕。庾吏因識焉。廣漢章以初升之。東陽黃幾叔。幾數源王安世。遇英伯。過皆寓是邦。暇日相與馳奇弔古。多見於詩。一麗勝處皆有之。不能盡憶。獨錄改之多景樓一篇。曰。金焦兩山相對起。不盡中流大江水。一樓坐斷天中央。收拾淮南數千里。西風把酒閑來游。木葉漸脫人間秋。關河景物異南北。神京不見雙淚流。君不見王勃詞華能蓋世。當時未遇庸人耳。翩然落托豫章游。滕王閣中悲帝子。又不見李白才思真天人。時人不省為謫仙。一朝放跡金陵去。鳳凰臺上望長安。我今四海游將徧。東歷蘇杭西漢河。第一江山最上頭。天地無人獨登覽。樓高意遠愁緒多。樓乎樓乎。奈爾何。安得李白與王勃。名與此樓長突兀。以初為之大書。詞翰俱卓犖。可喜。為余為刻樓上。會兵事起。不暇也。又嘉泰癸亥歲。改之在中都時。辛稼軒弃疾帥起。聞其

名遣介招之。適以事不及行。作書歸路者。因做辛體沁園春一詞。併緘往。下筆便逼真。其詞曰。斗酒癡肩。醉渡浙江。豈不快哉。被香山居士。約林和靖。與蘇公等。駕勒吾圓。坡謂西湖正。如西子。濃抹淡粧。臨照臺。諸人者。都掉頭不顧。只管傳杯。白云。天竺去來。圖畫裏。崢嶸樓觀。開看縱橫。一澗東西水逸。兩山南北。高下雲堆。連日不然。暗香疎影。只可孤山先探梅。蓬萊閣。訪稼軒未晚。且此徘徊。辛得之大喜。致餽數百千。竟邀之去。館燕彌月。酬倡疊疊。皆似之。逾喜。垂別。贈之千緡。曰。以是為求田資。改之歸。竟蕩於酒。不問也。詞語峻拔。如尾腔。對偶錯綜。蓋出唐王勃體。而又變之。余時與之飲西園。改之中席自言。撤彝有得色。余率然應之曰。詞句固佳。然恨無刀圭藥。療君白日見鬼證耳。坐中哄堂一笑。既而別去。如崑山。大姓某氏者愛之。女焉。余未及瓜。而聞其訃。以初後四年。來守九江。以憂免。至金陵亦卒。游從歷歷在目。今二君墓木拱矣。言之於邑。

葉丞相衡罷相歸金華里居。不復問時事。但召布衣交。日飲亡何。一日覺意中忽忽不怡。問諸客曰。某且死。所恨未知死後佳否耳。一士人在下坐。作而對曰。佳甚。丞相驚顧。問何以知之。曰。使死而不佳。死者皆逃歸矣。一死不反。是以知其佳也。滿坐皆

笑明年丞相竟不起。王中父觀之，宰德化。暇日為余戲言：士人姓金，滑稽人也。元祐間，黃秦諸君子在館，暇日觀畫，山谷出李龍眠所作賢已圖，博奕搏捕之傳，咸列焉。博者六，七人方据一局，投迸盆中，五皆遂，而一猶旋轉不已。一人俯盆疾呼，旁觀皆變色起立，纖縷態度，曲盡其妙，相與散賞，以為卓絕。適東坡從外來，覘之曰：李龍眠天下士，顧乃效閩人語耶？眾咸恠，請其故。東坡曰：四海語音，言六皆合口，惟閩音則張口。今盆中皆六一，猶未定法，當呼六而疾呼者，乃張口何也？龍眠聞之，亦笑而服。

程史卷第三

宋 相臺岳珂

建炎庚戌。狄騎飲海上。躬御樓船。次於龍翔。秋駐蹕會稽。時虜初退。師尚宿留淮泗。朝議凜凜。懼其反旆。士大夫皆有杞國之憂。范丞相宗尹薦朝散大夫毛隨。有甘石學。有召赴行在所。隨入對言。按漢志。歲星所在國不可伐。昔湯之元祀。歲星順行。與日合於房。房心宋堯分也。周武王至豐之明年。歲星順行。與日合於柳。留於張。柳張河洛分也。故湯征無敵。餘慶馳衍。猶及微子。武王定鼎郊鄆。而周公迄營成周。四方以無侮。今年冬。歲當躔而興宋。自此虜必不能南渡矣。然禦戎上策。莫先自治。願修政以應天道。大喜。既而果不復來。紹興辛巳。逆亮渝盟。有上封者言。吾方得歲虜且送死。詔以問太史。考步如言。陳文正康伯當國。請以著之。親征詔書。故其辭有曰。歲星臨於吳分。冀成泚水之勳。闕士倍於晉師。當決韓原之勝。蓋指此是冬。亮遂授首。二事之驗。不差毫釐。蓋宋國之號。而吳則今時巡之所都。天意篤滂。於是益昭昭矣。隨家衛之江山。後亦不顯。

逆賊將叛。前事之數月。神思昏擾。夜數躍起。寢中叱咤四顧。或終夕不得寢。意頗悔。

欲但已。其弟睨力慫恿之曰：是謂騎虎，顧可中道下耶？曦家素事梓潼，自玠璘以來，事必禱，有驗。乃齋而請。是夕夢神坐堂上，已被赭玉謁焉。因告以逆，且祈卜年之修。永神不答。第曰：蜀土已悉付安丙矣。既寤大喜，謂事必遂。時安以隨軍潛，在魚關驛。召以歸，命以爰立。安顧逆謀堅決，觸之且俱虛。惟徐圖，可以得志。不得已諾之。猶解相印，遂以丞相長史權知都省事，授之居踰月而成。獲嘉之績，梓潼在蜀者，應特異。紹興壬子，瀘人殺帥張孝芳，益嘗正畫見於閣武堂。逆黨恒潰，以迄天誅。相安之夢，得之蜀士。瀘之變在京，魏公殺帥蜀時，慶元己未，余在中都，親聞之。其他益不可縷數云。

秦檜在相位，頗指所欲為，上下奔走，無敢議者。曹泳尹天府，民間以乏見銀告，皆墜莫售。日暮而爭，因白之檜。檜笑曰：易耳。即席命呂文思院官未至，趣者絡繹奔而來。丞諭之曰：適得旨，欲變錢法，煩公依舊夾錫樣鑄一緡，將以進入。盡廢見銀，不用。約以翌午畢事。院官不敢違，唯而退。夜呼工籍液，將以及期。富家聞之大窘，盡輦宿藏，爭取金粟物價六品，泉溢於市。既而樣上省，寂無所聞矣。都堂左揆閣前，有櫺，每著賈檜嘿數焉，忽亡其二。不之問。一日將排馬，忽顧謂左右：取斧伐樹，有親吏在旁，倉卒

對曰實甚佳。去之可惜。檜反顧曰：汝盜吾櫓，吏叩頭服，蓋其機竄根於心，雖完瓿弗自覺。此所謂莫見乎隱者，亦可歎也。

靈巖中宮為蘇永勝櫛，弔古者多詩之。近世王義豐楊誠齋為之賦，植意卓絕，脫去雕篆畦畛。余得之王英伯錄，咸馬義豐賦館娃曰：沈浮玉之北堂，得館娃之遺基。從先生而游焉，揖夫差而弔之。或曰：是可唾也。奚以弔為哉？夫沈涵以表國，固君人之失道，然而有鐘鼓者，胡可以弗考。聞管籥者，民喜而相告，苟厥妃之當愛，惟恐王之不好矣。是則女樂亦可少乎？必曰：夏有妹喜，商有妲己，周有褒姒，而吳以西子，苟求其故，未必專於此也。齊有六嬖，威公以興，正而不諱，聖人稱焉。非夫九合一正之業，得仲父以當其任，則其一己之內，少有以自適者，舉不足以害成。耶闞大夫進，憂德豈昏微子得政，商豈穢跡。蘇公家父並用，則烽火豈得妄舉？子胥不見戮，則吳之離宮別館，至於今可存。抑夫差之資異，在列國亦翹楚一戰，而越沮再會，而諸侯懼，使僅得一中佐，置雙莫於猛虎，惟自剖其骨髓，而致意於一女，敵乘其間，無以外禦。杯酒之失，何足問，獨為此邦惜殺士之舉也。此士不遭殺，夫差不可惡，寧羅之妹，適足為我娛，胡得而竊吾之符，榮楯可居，適足華吾廬，胡足以染吾之都。惟忠良之既誅，

始猖狂而自如。臺兮姑蘇舟兮大湖。食兮繪轡曲兮棲鳥。宿兮嬾嬌。修明兮夷光。二八兮分明。捧心兮專房。徑兮採香。屣兮響廊。笑倚兮玉牀。奈樂兮東方。稻蟹種兮不遺。爭盟兮黃池。無人兮箴規。有仇兮相窺。至德之廟。遠為木忝。悉波池與臺榭。倏一變而荒宇。入笙歌於海雲。令聲鐘而轉鼓。儼廡鹿之容。與敝僧儀。而觀觀駭越。壘以在望。奚五戎之閱武。松引韻以嗚咽。柳翠眉而凝佇。山黯黯兮失色。水洶洶兮暴怒。追此謬於千里。本差之於毫釐。譬之養生。捐其良醫。速疾作於中夜。惜藥石之不知。志士仁人。所為太息於斯焉。蓋嘗反覆於此。竊謂種蠹亦可哂也。勾踐方明舉國以聽。十年生聚。十年教訓。以此畧戰。何伐不定。何至假負薪之女。為是可恥之勝哉。始其土城。誨淫自君。終焉五湖。合謹其臣。青溪之典不正。金谷之義不立。慙慙扁舟。遂其全璧。使之脫鼎中之魚。而摩沙頭之鷺。返邪溪之蓮。而吐洞庭之楫。竊謂越之君臣。何其陋於此役也。越則陋矣。吳亦太庸。士目既扶。夫誰納忠。可卑人之忘己。其自反而責躬乎。公既然雍。相與啟容。起視四山之中。覺蕭蕭兮悲風。誠齋賦浯溪曰。予自二妃祠之下。故人亭之旁。招招漁舟。溥游三湘。風與水兮俱順。未一瞬而百里。欵兩峯之際。天儼離立而不倚。其一怪怪奇奇。蕭然若仙客之鑑清漪也。其一蹇蹇諤



誇毅然若忠臣之路鼎鑊也怪而問焉乃浯溪也蓋唐亭在南嶧臺在北。上則危石對立而欲落下則清潭無底而正黑。飛鳥過之不敢立迹。余初勇於好奇乃疾趨而登之。挽寒藤而垂足照哀容而下窺。余怵心動毛髮森豎乃蹟故步還至水滸。削臺讀碑慷慨弔古倦而坐於釣磯之上喟然歎曰。惟彼中唐國已膏膏。匹馬北方僅或不亡。觀其一過高父日殺三庶其人紀有不教矣。夫曲江為篋中之神。雄狐為明堂之柱。其邦經有不靈矣。夫水堙稅民之訕融堅推民之髓。其天人之心有不去矣。夫雖微祿兒唐獨不隊厥緒哉。觀馬蒐之威垂。渙七萃之欲離。殪尤物以說焉。僅平達於巴西。吁不危哉。嗟乎齊則失矣而楚亦未為得也。靈武之履九五何其亟也。宜忠臣之痛心。寄春秋之二三策也。雖然天下之事易於處而不難於謀也。使夫謝奉冊於高邑。將稟命於西帝。違人欲以圖功。犯眾怒以求濟。天下之士果肯欣然為明皇而致死哉。蓋天厭不可以復祗。人潰不可以復支。何哥舒之百萬不如李郭千百之師。推而論之事可知矣。且士大夫之捐軀以從吾君之子者。亦欲附龍鳳而攀日月。踐台斗而盟帶礪也。一復泣以耄荒。則夫千麾萬旗一呼如響者。又安知其不掉臂也。耶。古語有之。投機之會。問不容極。當是之時。退則七廟之忽。諸進則百世之揚。嗚嗚

滿宗處此其實難為之九思而未得其計也。已而舟人告行。秋日已晏。太息登舟。水駛於箭。回瞻兩岸。江蒼茫而不見。義豐賦中稱先生。蓋時從范石湖成大游。誠齋則以環鞞相衝。過願元碑下耳。二地出處本不淪筆力到處。便覺夫差肅宗無所逃罪。獨恨管子趙霸之說。不可以訓。如為唐謀則忠。今兩利中皆無此刻。而醒夢復語。往往滿壁間云。

盤石趙遠。以紹興辛未魁集英之唱。後三年。以故事召歸。為校書郎。時秦檜老矣。怙權殺天下善類。以立威。縉紳曾息。趙至。一見光範。檜適喜。欲收拾之。問知其家尚留蜀。曰。何不俱來。趙對以貧未能致。檜顧吏囁嚅語。有頃。奉黃金百星以出。曰。以是助舟楫費。趙出不意。力辭之。吏從以出。同舍郎或勸以毋拂檜意者。趙正色曰。士有一介不取。予獨何人哉。君謂水山足恃乎。勸者縮頭反走。吏不得已。歸猶不敢以其言白。檜已不樂。居久之。語浸聞。檜大怒曰。我殺趙遠。如獮狐兔耳。何物小子。乃敢爾邪。風知臨安府曹泳羅致其隸輩。而先張本於上。曰。近三館士不檢。頗多與宮中。迺臣將廉之。其醜禍不淺矣。會得疾。十月而有絳巾之招。高宗更化。微聞其事。十一月。詔兼官朱邺。繼復召對。擢著作佐郎。謂之曰。卿乃朕自擢。秦檜日為士。曾無一言及

卿以此知卿不附權貴。真天子門生也。又曰：兩王方學詩，莫有以切磋之。上意益欲以此破前謗。趙之未召，實為東川僉幕。總領符行中，有子預薦，意其為類。試官密以文屬之。趙不敢賦，擲几下。既而符氏子不預榜，總因以他事摺撫之甚峻。然卒不能涉。趙之介特有守，蓋已見於初筮云。

姑蘇有二異人。曰何蓑衣，曰歆道僧。蹤跡皆奇詭。淳熙間，名聞一時。士大夫維舟者，率往訪之。至今吳人猶能言其大畧。何本淮陽胸山人，書生也。祖執禮，仕至朝議大夫。世為鼎族，遭亂南來，寓於郡。嘗授業於父，已能文。一旦笑書裂衣遁去。人莫之知。既乃歸，被草結廬於天慶觀之龍王堂，佯狂妄談，久而皆有驗。臥草中，不垢不穢。晨必一至吳江，渡馬，即至吳江五十里，往反不數刻。人因訪之，會有一瘵者，拜謁乞醫。何命持一草去，旬而愈。始翕然傳蓑衣可愈病，亦有求而不得，隨輒不起者。於是遠近稍敬異之。孝宗在位，忽夢有蓑而跣，哭而來，叩之曰：「臣蘇人也，詰其故，則不肯言。」寤以語左璫，時上意頗崇緇，抑黃弗深信也。居月餘，成恭后上仙，莊文繼即位，璫因進勉釋而及之。意欲以驗前定，寬上心。上矍然憶昨夢，輟泣而歎。璫進曰：「臣微聞蘇有何姓者，類其人。他日固未敢言，因道其所為，上大驚，有詔諭遣不至。上嘗燕居深。」

念以規恢大計。累年未有所屬。且坤儀虛位。圖所以膺佐餒承顏之重者。焚香殿中。默言曰。何誠能仙。顧必知朕意。遂授璫以香茗。曰。汝見何。則致贊而已。問所以來。則曰。陛下自禱。我不及。知視其何以復命。當承命惟謹。何忽掉首吳音。曰。有中國人。即有蕃人。有日。即有月。不須問。趣之去。既復呼還。曰。所問者姓。我猶忘之。但言朱家。例子不可用也。使者歸。奏上曰。是能知我心。遂賜號通神先生。築通神菴於觀之內。親御寶笈書扁以寵之。已而成肅正中宮。歸謝氏。蓋本朝故事。惟欽成本姓。後育任氏。朱氏。既而惟從朱姓。不復歸上意。嘗欲以為此而未決也。北伐之議。亦少息焉。先是觀中諸黃冠。以殿宇既燬。欲試其驗。羣造其廬拜。且白之。何從求疏軸。主者護以與。何笑曰。來日自有施者。至午而使者果來。既答。則曰。我不能入觀。以此累使者。上聞而益奇之。會浙西趙憲伯。亦為之請。遂賜筆金闕寒陽殿額。出內帑緡錢萬緡。繪事一新。以答其意。上每歲以璫將命。即其居設千道齋。合雲水之士。施予優普。一歲偶踰期。成訝而請。亟起於臥。搖手睜目而招之。曰。亟來。亟來。璫是日舟至平望。乃見何在。所許。招而呼。踵廬言之。眾曰。何固未嘗出也。因言所以。其狀良是。歎道僧者。實本龍人。為兵家子。少有所遇。何舊與之友。狎不知幾何時。堯而壘曰。似道似僧。故曰道。

僧狀不慧而言發奇中與何頡頑好蕩游市井間見人必求錢止於三隨即與之貧者何既不趨召他日璫或薦道僧上欲見之何挽呼不使去曰是將促汝縛汝監汝不容汝來矣道僧竟來見於內殿不拜所言不倫上狎之使出入勿禁且命隨龍人元居實總管者館之元懼其逃卒無以應上命果日使十人從之所至不舍踰年歸見何何以杖詬逐之至死訖不與接一談重華倦勤復使召之不肯就邀守萬端三年而致之紹熙甲寅春道僧入北內坐榻前曰今日六月也好大雪侍璫咸笑頡曰爾滿身皆雪而笑我狂耶相與罔測亦莫以為意至季夏八日而至尊殿代矣縞素如言焉二人勇於啗肉食至十數斤獨皆不飲酒亦不言其所以然也何又能奈寒暑余兄周伯言有元某者丙午歲七十矣嘗言自牛角見之顏色無少異蘇有妄道士日從之游將傲其為何不怒獨冒雪馳至垂虹而浴道士不能偕愆而去余兄往見之頗能言宦歷所至酷不喜韓子師方為守千騎每來則提擊而罵之亦有人所不堪者子師素嚴厲於此不以為忤也道僧先數年卒何慶元間猶在相傳百餘歲矣洪文敏夷堅辛志三志亦雜載其事雖微不同要皆履奇行怪有不可致詰者故著之

吳畏齋論蜀有印守楊熹者頗從輔軒壯所聞因道資中趙希光節概甚悉余兄德夫時從幕府得其書以示余楊之言曰趙昱字希光淳熙宰相衡公雄之子少苦學以司馬周程氏為師每謂存天性之謂良貴充諸己之謂內富故漠然不以利祿動其心出任二十餘年僅一磨勘歷任不滿三考其恬退如此汎掃一室左圖右書盡晝夜積日月不舍終身弗改先是衡公相孝宗皇帝一日奏事上從容語及鄭丙曰鄭丙不曉事問他吳挺乃云小孩兒解甚底衡公曰以大將比小兒丙誠不曉事然以臣見挺雖有所長亦有所短上曰何故公曰為人細密警敏此其所長然敢於欺君父又恃其儉巧而愚弄士大夫此其所短但朝廷用之不得其地上曰何謂不得其地衡公曰往年恢復至德順中原父老單食壺漿以迎王師者肩摩袂接悉取免敵錢大失民望迨以無功中原之人至今怨此子深入骨髓而朝廷乃使之世為西將西人又以二父故莫不畏服挺亦望宣撫之任久矣蜀雖名三軍二軍僅當其偏裨雖陛下神武御將百挺何能為然古帝王長慮却顧為子孫萬世之計似不如此上大感悟後挺死朝廷雖畧行其言已而復故開禧丁卯吳曦僭叛昱每念衡公此語輒投地大慟或至氣絕不蘇初欲買舟順流而東賊以守兵蜀門弗果行於是

製大布之衣。每有自關表避亂而歸者。輒號泣弔之。亟貽書成都帥臣楊輔。謂逆雖  
驕豎。干亂天紀。痛哉宗社。哀哉蒼生。此直愚昧無知。為虜所啗。逆順昭然。其下未必  
皆樂從。肘腋之間。禍將自作。事尚可為。因勸以舉義。遂絕粒。至於臥疾不能起。猶晝  
夜大號。聲達於外。置一劍枕間。每舉欲自刺。輒為家人捍之而止。如是數四。終不食  
而死。燾所紀具是不復損益。余生雖晚。尚及識衛公父子。紹熙壬子冬。先君捐館於  
廣。余甫十齡。護喪北歸。衛公以寧武之節。來治於洪。余舟過章江。亟命幕屬來唁。親  
以文奠焉。余已卒無時之哭。因謁祭下。援手言疇昔。歎歎不自勝。顧余甚幼。遣使從  
先夫人。求余程業。頗奇其不憚賞其詞語。而憐其蚤孤也。余歸未釋經。而衛公薨。輒  
車西泝。余輅希光於琵琶。頎然溫厚。今想見之。已足以信燾之傳。時方暑。待亭上。親  
吏言希光方治養生術。以子午時有所行。謝客。移數畧。乃得見。冲澹無競。其素也。衛  
公止一子。希光雖重繼體之託。亦無嘗云。

辛稼軒守南徐。已多病。謝客。子來筮仕。委吏實隸總所。例於州家殊參辰。且望贊謁  
刺而已。余時以乙丑南宮試。歲前泣事。僅兩旬。即謁告去。稼軒偶讀余通名啟。而喜  
又頗階父兄舊。特與其潔。余試既不利。歸官下。時一招去。稼軒以詞名。每燕必命侍

伎歌其所作持好歌賀新郎一詞自誦其警句曰我見青山多嫵媚料青山見我應如是又曰不恨古人吾不見恨古人不見吾狂耳每至此輒拊髀自笑顧問生客何如皆歎譽如出一口既而又作一永遇樂序北府事首章曰千古江山英雄無覓孫仲謀處又曰尋常巷陌人道寄奴曾住其寓感慨者則曰不堪回首佛狸祠下一片神鴉社鼓憑誰問廉頗老矣尚能飯否特置酒召數客使妓迭歌蓋自擊節徧問客必使摘其疵孫謝不可客或措一二辭不契其意又弗答然揮羽四視不止余時年少勇於言偶坐於席側稼軒因誦啟語顧問再四余率然對曰待制詞句脫去今古軫轍每見集中有解道此句真宰上訴天應噴耳之序嘗以為其言不誣童子何知而敢有譏然必欲如范文正以千金求嚴陵祠記一字之易則晚進尚竊有疑也稼軒喜促膝巫使畢其說余曰前篇豪視一世獨首尾二腔警語差相似新作微覺用事多耳於是大喜酌酒而謂坐中曰夫君實中子癯乃咏改其語日數十易累月猶未竟其刻意如此余既以一語之合益加厚頗取視其觥醜欲以家世薦之朝會其去未果是時潤有貢士姜君玉臺中嘗與余游偶及此次日攜康伯可順庵樂府一表相示中有滿江紅作於姪女潘子賤席上者如數詩書萬卷致君人香沈陸且置請



纓封萬戶。徑須賣劍酬黃犢。勸當年寂寞賈長沙。傷時哭之句。與稼軒集中詞全無異。伯可益先四五十年。君玉亦疑之。然余讀其全篇。則他語却不甚稱似。不及稼軒出一格律。所攜乃板行。又故本。殆不可曉也。順庵詞今麻沙尚有之。但少讀者與世傳俚語不同。

程史卷第三終

程史卷第四

宋 相臺岳珂

德壽在北內。頗屬意玩好。孝宗極先意承志之道。時因羅人間。以供怡顏會。將舉慶典。市有北賈。携通犀帶一。因左墻以進於內。帶十三鈗。鈗皆正透。有一壽星。扶杖立。上得之喜。不復問價。將以為元日壽卮之侑。賈索十萬緡。既成矣。傍有瑤見之。從賈求金。不得。則撻之曰。凡壽星之扶杖者。杖過於人之首。且詰曲有奇相。今杖直而短。僅至身之半。不祥物也。亟宣視之。如言。遂卻之。此語既聞。遍國中無復售者。余按會要。開寶九年二月十九日。召皇弟晉王及吳越國王錢俶其子惟濬射苑中。俶進御衣金器。壽星通犀帶以謝。帶之著於前世者。僅此一見耳。

余里中士。每秋賦與計偕。貧不能行者。或仰給勸駕。嘉泰辛酉。永嘉周夢與呂齡宰德化。垂滿矣。士有以故例請者。弗報。費以啟束裝而俟。又弗報。怒而索其費。余適謁琴堂。坐閒。夢與口占授札吏。復之曰。伏承寵翰。見索長牋。愛莫能留。感而且駭。珠璣在側。固知酬應之難。筆研生塵。未免舒遲之咎。趙客有辭而取璧。楚人敢訝於亡弓。所恨具舟已及。瓜而代去。無由洗眼。觀奪錦之歸來。更冀收洪。以基光大。畢緘。願余作釋語曰。予非

摩訶薩埵乃諸公之提婆達多耳余笑莫敢答士擲其報章於門而去閣者白之曰正自乏楮君就席以為室開書及無所問里士不欲名夢與老儒自號牧齋精史學議論疊疊起人意表器局凝重喜愠不形於色獨微有卜商之短仕終安豐卒云海寇鄭廣陸梁蒲福聞驅駛兵犀雲合亡命無不一當百官軍莫能制自疏濠海蛟有詔勿捕命以官使主福之延祥兵以徵南溟延祥隸帥聞廣且望趨府羣僚以其故所為徧賓次無與立譯者廣鬱鬱弗言一日晨入未衙群僚偶語風簷或及詩句廣矍然起於坐曰鄭廣為人欲有拙詩白之諸官可乎眾屬耳乃長吟曰鄭廣有詩上眾官文武看來總一般眾官做官卻做賊鄭廣做賊卻做官滿座慙嗟章以初好誦此詩每曰今天下士大夫媿鄭廣者多矣吾儕可不知自警乎

吾鄉有周教授者家太一觀前畜犬數十皆西北健種晨繼昏縱穿窬者無敢睨其藩一日起觀扁鑰有異發笈空焉亟集里正視驗跡捕四出杳莫知所從居三日始獲之初盜得資分途一盜出蛇崗山將如贛吉晝日嘗過其下見道旁梅有繁實夜渴甚登木而取之有蛇隱葉間傷其指負傷而逃至侯溪則指幾如股矣不能去臥旅邸中主人責炊曰子無他藏獨餘銚銀可斧而售既而無堪不可碎歸之盜又出

囊珠主人念山谷間無售者。時德壽宮中貴人劉奭廬石耳峯下。持以求質。奭曰：姑畀汝萬錢。詰朝歸。汝餘金奭已聞。周氏之盜意疑其是。馳僕示之。曰：吾家物也。捕於邱。贖證一網而得。因以迹餘黨。如言無脫者。又有馬屠居城東。為偽券亂真。歲以其券售。舒斬聞。得馬驢。驅以歸。憂於肆。以鬻。盡復出。人但見其驅。至日多。售用日侈。莫疑其所自來。適黃有遁寇。黃陂之捕吏即之。疑一夫馬未察。夫實盜也。覺其意。入肆。啜羹坐而袒。褻自視其中。吸於衆。聞而出。捕者以其變服。弗之識也。訝其久。商於其徒。曰：吾目見其入。今暮矣。昏不再覲。是家非囊盜者乎。遂偕入搜之。盜則逸去。而偽券之印。楮簾白儼然皆存。因遂告之官。夫二盜之彰亦異矣。梅實偶然而藏。虺捕吏無心而得驗。天固以此啟之邪。抑稔惡當露。適因其所值邪。犬不能吠。詰之以錄。則曰：是夕也。以豚蹄傅麻芋。雜草為烹之。犬至。輒投芋。纏藥。喋無復聲者。馬驢每至。賤賣而售。使門庭翕然。嗔咽。既非其所仰。益可肆於原。取他日語人曰：吾以薄取。致厚。嘗售之。速耳。市人弗覺也。此盜亦有道者歟。

童貫以左璫幸。大觀間。緣開邊功。建武康節鉞。公言弗與。而莫敢櫻也。其三年二月。將行復洮州賞。石林葉少蘊在北門。微聞當遂為使。相懼當視草。不能自免。出語沮。

之。蔡元長頗媿於衆論。丁酉鎖院。迺自檢校司空奉甯節度進司徒。易鎮鎮洸而已。少蘊黽勉奉詔制出告廷。鄭華原素不樂少蘊。摘語貫曰。葉內翰欺公。至託王言以寓微風。貫問其故。華原曰。首詞有云。眷言將命之臣。宜懋旌勞之典。凡今內侍省。差一小中官降香。則當曰。將命修一處寺觀。造數件服用。轉官則曰。旌勞公以兩府故事。為宣威府辭。乃爾。是以黃門輩待公也。又其末云。若古有訓位事。惟能德因。故以威懷於以制四夷之命。賞賤功而輕重。是將明八柄之權。尚書周官。分明上面。有建官惟賢。一句不使。卻使下一句。謂公非賢。爾賤功輕重之語。亦以公之功止於如此。不足直釀賞也。貫初垂涎儀。同己大失望。聞之頰面。徑揖起歸。質諸館賓。俾字字解釋而已。聽之。其言頗符。則大怒。泣訴於祐陵。納告榻上。竟不受。其年五月戊午。遂以龍學出少蘊汝州。繼又落職。領洞霄祠。少蘊時得君甚中。以陰事始克去之。華原意以軋異己。不知適以張閣官之威也。少蘊自志其事。以余觀之。三公論道官。雖曰檢校。亦不若終沮以正之。均為一去云。洞霄在中朝。從官常蒞之。不專以處宰執。南渡以後。乃不然也。

康與之在高皇朝。以詩章應制。與左璫狎。適睿思殿有徽祖御畫扇。繪特為卓絕。上

時持玩流涕以起羹糝之悲。璫偶下直竊携至家而康適來留之燕飲漫出以示康。給璫入取般核輒泚筆几間書一絕於上曰玉輦宸遊事已空尚餘奎藻繪春風。年年花鳥無窮恨盡在蒼梧夕照中。璫有頃出見之大恐而康已醉無可奈何明日伺聞叩頭請死上大怒亟取視之天威頓霽但一慟而已。余嘗見王盧溪作宣和殿雙鵲圖詩曰玉鑾宮扉三十六誰識連昌滿宮竹內院寒梅欲放春龍池水暖鴛鴦浴。宣和殿後新雨晴兩鵲蜚來東向鳴人間畫工貌不成君王筆下春風生長安老人眼曾見萬歲山頭翠華轉恨臣不及宣政初痛哭天涯觀畫圖盧溪與之雖非可倫儼者第詳玩詩語似不若前作簡而有味云。

紹興要盟之日虜先約毋得擅易大臣秦檜既挾以無恐益思媚虜務極其至禮文之際多可議者而受書之儀特甚逆亮渝平孝皇以奉親之故與雍繼定和好雖易稱叔姪為與國而此儀尚因循未改上常悔之乾道五年陳正獻後卿為相上一日顧問欲遣泛使直之且移騎兵於建康以示北向會歸正人侍旺未遣虜屢以為言正獻恐召繫執不可亟奏曰臣早來蒙聖慈宣問遣使事臣已略奏一二此事臣子素所憤切便當理會屬今者有疑似之迹彼必以本朝意在用兵多方為備萬一先

動吾事力未辦。淮西城壁未集。今不若少遜。若專遣使。則中外疑懼。使者既行。只宜便相聽許。猶為有名。苟或未從。殊失國體。天下之人。以為陛下捨其大而圖其小也。適蒙中使降下。王弗前此宣旨本末。今遣使不為無辭。臣之愚見。欲姑俟侍旺事少定。或冬閒因賀正使。遣王卞偕行。先與北館伴議論。言朝廷將遣泛使之意。或令殿上口奏。彼若許遣。則有必從之理。若其不許。犬羊豈可責以禮度。則臣願陛下深謀遠慮。磨厲以須。忍其小而圖其大。他時剪除醜類。恢復故疆。名分自正。國勢日強。在於今日。誠未宜計虛名而受實害也。臣淺陋愚暗。念慮及此。更乞宸衷少賜詳酌。天下幸甚。上為少止。而終以為病。其秋偕虞雍公允文爰立左右。上密求頴對。時范石湖自南宮郎崇政說書為右史侍講。天意攸屬。明年亟欲遂前事。且將先以陵寢為詞。而使使者自及受書。以御札問正獻曰。朕痛念祖宗陵寢淪於腥羶。四十餘年。今欲特差泛使。往彼祈請。依巫伋鄭藻例。施行。卿意以為何如。可密具奏。來正獻復奏曰。臣伏蒙中使宣降到御札。下咨臣。以遣北朝泛使本末。願臣淺陋。豈足上當天問。恭讀聖訓。不勝感泣。仰惟陛下。焦勞萬幾。日不暇給。規恢遠略。志將有為。痛祖宗之陵寢未還。念中原之版圖未復。精誠所感。上通於天。天祐聖德。何功不成。此固微臣



素所激昂憤切思以仰贊廟謨為國雪恥恨不即日挂天山之旃勒燕然之銘然而  
性質頑滯於國家大事每欲計其萬全不敢為嘗試之舉是以前者留班面奏亦以  
為使者當遣但目前未可恐洩吾事機以實謀者之言彼得謹為備若鎮之以靜邊  
一二年彼不復疑俟吾之財力稍充士卒素飽乃遣一介行李往請所難往反之間  
又一二年彼必怒而以師臨我然後徐起應之以逸待勞此古人所謂應兵其勝十  
可六七夫天下之事為之有機動惟厥時孔子曰好謀而成使好謀而不成不如無  
謀臣之愚暗安知時變不過如向所陳不敢改辭以迎合意指不敢依違以規免罪  
戾不敢僥倖以上誤國事疎狂直突罪當萬死惟陛下憐其愚而錄其忠不勝幸甚  
上不聽正獻遂去國范遷起居郎假資政殿大學士左太中大夫醴泉觀使兼侍讀  
丹陽郡開國公為祈請使以行上臨遣之曰朕以卿氣宇不群親加選擇聞外議洵  
洵官屬皆憚行有諸范對曰無故遣泛使近於求釁不執則戮臣已立後仍區處家  
事為不還計心甚安之王色愀然曰朕不敗盟發兵何至害卿當雪餐糗或有之不  
欲明言恐負卿耳范奏乞國書併載受書一節弗許遂行虜遣吏部郎中田彥舉侍  
御史元顥溫遼為范知虜法嚴附請決不可達一不泄語二使不復疑至燕乃夜蔽

惟秉燭密草奏具言他日北使至欲令親王受書其辭云大昕而朝遂懷以入初跪進國書隨伏奏曰兩朝既為叔姪而受書禮未稱昨嘗附元顏仲李若川等口陳久未得報臣有奏劄在此措芻出而執之雍酋大駭顧諱其宣徽副使韓綱曰有請當語館伴此豈獻書啟處邪自來使者未嘗敢爾厲聲令綽起者再三范不為動再奏曰奏不達歸必死甯死於此雍酋怒拂袖欲起左右掖之坐又厲聲曰教拜了去綱復以芻抑范拜范跪如初雍酋曰何不拜范曰此奏得達當下殿百拜以謝乃宣詔令納館伴處范不得已始袖以下望殿上臣僚往來紛然既而虜太子謂必戮之以示威其兄越王不可而止頃之引見如常儀歸館伴果宣旨取奏去是日綱押宴謂范曰公早來殿上甚忠勤皇帝嘉歎云可以激厲兩朝臣子范唯唯謝廷議方殷會夏國有任德敬者乃夏酋外祖號任令公再世用事謀篡其國事敗而族蜀宣司故嘗以蠟書通問為夏人所獲致之虜庭雍酋益怒范朝辭遂令其臣傳諭詰之范答以姦細之偽不可測退朝而館伴持真書來印文皦然可識范笑曰御寶可偽況印文乎虜直其詞遂不竟十月范還虜之報章有曰抑聞附請之辭欲變受書之禮出於率易要以必從上於是知其忠勤有大用意後八年迄參大政云受書乃隆興

以後盟書大節目故備記其事特詳當時尚他有廷臣謀議可參見日月尚遊愒乎其未盡聞也

石湖立朝多奇節其為西掖時上用知閣門事樞密都承旨張說為僉書滿朝譁然起爭上皆弗聽范既當制朝士或過問當視草與否笑不應獨微聲曰是不可以空言較問者不愜又譁然謂范黨近習取顯位范亦不顧既而廷臣不得其言有去者范詞猶未下忽請對上意其弗繼知其非以說事接納甚溫范對久將退乃出詞頭納榻前王色遽屬范徐奏曰臣有引論願得以聞今朝廷尊嚴雖不可以下擬州郡然分之有別則略同也閣門官日月引班乃今郡典謁吏耳執政大臣停貳比也陛下作福之柄固無容議但聖意以謂有一州郡一旦驟拔客將吏為通判職曹官願謂何邪官屬縱俛首吏民觀聽又謂何邪上霽威沈吟曰朕將思之明日說罷後月餘范勾去上曰卿言引班事甚當朕方聽言納諫乃欲去邪既而范竟不安於位以集撰帥靜江明年春說遂申命實乾道八年也悟主以一言之頃理明辭正雖不能終格猶足為公議立赤幟云

東坡先生元祐中以翰苑發策試館職有曰今朝廷欲師仁祖之淳厚懼百官有司

不舉其職。而或至於媮。欲法神考之勵精。恐監司守令不識其意。而流入於刻。左正  
言朱光廷首擿其事。以為不恭。御史中丞傅堯俞侍御史王若史交章劾奏。一時朝  
議譁然。起宣仁臨朝。為之宣諭曰。詳覽文意。是指今日百官有司。監司守令言之。非  
是譏詛祖宗。紛紛踰時始小定。既而亦出守。紹聖崇甯治黨錮言者。屢以藉口。迄不  
少置也。政和間。葛文康勝仲為大司成。又發策私試。有曰。聖上懋建大中。克施有政。  
忠恕崇厚。同符昭陵。綜覈勵精。適追甯考。殆將收二柄而總攬之也。今欲嚴督責。肅  
通慢而無刻核之迹。隆牧養。流豈弟而無姑息之過。諸生謂當如何。其問。今見丹陽  
集中。是時語忌最嚴。而無一人指疵之者。文康迄位。法從哀榮。始終二策。問語意如  
一。而禍福乃爾大異。是蓋有命也。

程史卷第五

宋 相臺岳珂

紹興己未金人歸我侵疆曲赦新復州縣赦文曰上穹開悔禍之期大金報許和之約割河南之境土歸我與圖戢宇內之干戈用全民命大酋兀朮請之以謂不歸德其國明年遂指為誓以起兵復陷而有其地後二年和議成秦檜懼當制者之不能說虜也以孽子焄及其黨程克俊補釁故其文曰上穹悔禍副生靈願治之心大國行仁遂子道事親之孝可謂非常之盛事敢忘莫報之深恩而況申遣使軫許說盟好來存歿者萬餘里慰契闊者十六年禮備送終天啟固陵之吉壤志伸就養日承長樂之慈顏於是郵傳至四方遺黎讀之有泣者蜀士劉望之作詩曰一紙盟書換戰塵萬方呼舞卻沾巾崇陵訪沈空遺恨郢國憐懷尚有人收拾金縢煩廟筭安排鐘鼎誦宗臣小儒何敢知機事終望君王赦奉春時語禁未大嚴無以為風者望之有集自號觀堂它書多諂秦所謂奉春竟不知指何人也

先君之客取道夫端仁為余言其姍張氏不欲名淳熙間尉廣之增城有黠盜劉花五者聚黨剽掠官司名捕累載弗獲一日有告在鄰邑之境民家者民素豪枳闕環

溪畜犬獾警吏莫敢闖其藩。張欲躬捕，弓級陳某者奮而前曰：「是危道，不煩親行。」我  
得三十人，饒取之，使之往信宿而得，鞠其索侶，凡十餘輩，散迹所往，咸繫而來，贓證  
具以告之。縣於法應賞矣。先是，張以它事忤令，盜之至，令訊爰書以實。言府，張以非  
馬前捕不應，令將論報。張乃知之，祈之掾史，咸曰：「案已具府，視縣辭而已。」事且奏，不  
容增。府尹適知己，又祈之，亦勿得，自分絕望。又一年，秩滿買舟如京，過韶，因謁憲臺。  
坐謁次，有它客繼譚一尉事，適相類，漫告之。客曰：「是不可為。」然於法情理，兇虐當懸  
購者，雖非躬獲，亦當免誡，或循資。盍試請一公移，僅可用。張方慮關陞屬，削不及格，  
聞之大喜，遂白之憲。憲命以成案錄為據，付之。至臨安，果以初筮無舉，員當入殘零。  
張良窘，偶思有此據，以示部胥。胥視之色動，曰：「自我一昔，得與同曹議，居二日來，邀  
張至酒家劇飲，中席謂之曰：『君欲改秩乎？』張錯愕，不敢謂然。胥曰：『我不與君劇，君能  
信我事，且立辨。』詰所以笑，不答。遂去。明日復至，其邸張疑未泮，出謀之道。夫道夫曰：『  
胥好眩誦，志於得錢，然亦有能了事者，不可信，亦不可卻。』盍為質而要其成。張歸，胥  
又來，則曰：『君不深信我，我請毋持錢去。事成乃見歸。』許諾索婚二千，酬酢竟日，以十  
緡成約。張貸其半於道夫，同緡識於霸東周氏。兩月不復來，顧以為妄，相與深咎，輕

信徒取幅日。忽夜三鼓有叩門者。乃胥也。喜見眉睫。曰：「幸不辱命。」文書銜袖取觀之。則名登於進卷矣。張大駭。且質之左銓。良是。三代爵里皆無謬。又扣之省闈。亦然。以為自天而下。然終莫測其繇也。欣然昇謝資。又厚以饋。而問其故。胥不肯泄。曰：「君第汜事。何庸知我。」既而班見如彝。得宰福之永福去。亦自闕不言。惟道夫知之。先君為侍左郎道夫在館。因密訪其事。蓋胥初得憲司據。見所書功牒。皆曰：「增城縣尉司弓級陳某。獲若干盜。因不以告人。夜致之家。於每司字增其左。畫曰：『同』。則如格矣。筆勢穠纖無少異。同列不之覺。微業故府。胥亦隨而增之。但時矯它曹。黃緣之命促其行。委曲遮護。徒以欲速告。迄不下元處。而賞遂行。刻木輩舞文。顧昧謝乃其常。蓋未有若此者。以此知四選盡積。蓋不可勝算。司銜綜者可不謹哉。」

中都有諉天者。居於觀橋之東。日設肆于門。標之曰：「看命司。」其術稍售。其徒憎之。曰：「司者有司之稱。一妄庸術。乃以有司自命。豈理也哉。」相與謀訟之。一人起曰：「是不難。我能使之去。且日徙居其對衢。亦易其標。曰：『看命西司。』過者多悟而笑。其人愧。輒亟撤。不敢留。伎流角智。輒敵。乃有論於不言者。亦可謂巧矣。書之以資善誡。」

宣和之季。京師士庶。競以鵝黃為腹圍。謂之腰上黃。婦人便服。不施衿紐。束身短製。

謂之不製衿始自宮掖未幾而通國皆服之明年徽宗內禪稱上皇竟有青城之邀而金虜亂華卒於不能制也斯亦服妖之比歟

兩淮自開禧槍攘之後惟舒僅全嘉定己巳歲游饒滑兵張軍大煽亂始犯桐城掠寓公朱少卿致如之家頗得民馬益合亡命兩夕而浸多遂鳴張闕郡太守林仲虜棄城遁入自北門至于遠路號于邦人曰凡吾之來將以為父兄子弟非有掠放之心也謹無捐而居無棄而業無嬰我兵鋒於是逃者稍稍抱馬足乞生賊亦弗殺至譙門立馬視樓扁四顧曰我射而中安字之首點則入不然舍去一發中之登郡廳大發府庫以予民翕然爭趨惟尸胥魁一人曰是舞文而虐吾民者相為除之而已即日去屯潛山營于真源宮將大其所圖基以哀兵會有詔池陽兵千捕他盜偶遇之踵而登山賊不虞其至之速也頗懼時官軍未知賊衆寡莫敢先入環而守之賊計窮越山而跳繫道流而奪其巾衣偽為逆逸者告于官軍曰賊衆方盛宜少須軍士不之疑皆趣使去已而幟轟木間馬嘶廡下鉦鼓刁斗鞞鞞四發益信其有人將謀于軍曰賊在內徒株守無益焚其宮是將焉往是日風盛百燎並舉徒聞號呼而竟莫有出者宮既蕩盡以為賊亦灰矣亟奏功朝廷初聞仲虜失守亟詔池出兵繼



得撲滅之報將第賞而張軍大乃自望江刦二舟載所獲婦女浮江而下至建康登層樓揮金自如一飲而費二十萬察姦者疑其為執訊得實乃知焚死者多繫留之黃冠也獄具肆于市而左前嘗舟中多衣冠家人逃牒送其所居真源無子遺其徒適有遊方者歸旋理瓦礫為復營計今尚未完匹夫奮草莽凶歲常事然驟得一郡即市恩忍殺其志蓋不淺脫身煙焰智足周身卒以所嗜敗此亦天網之不可逃者歟建炎航海之役張俊既戰而棄鄞兀朮入之即日集賈舟募瀕海之漁者為鄉導將遂犯躡而風濤稽天盤薄不得進兀朮怒躬命巨艘張帆徑前風益猛自度不習舟楫挽舳側窘懼欲卻而未脫諸口也遙望大洋中隱隱一山顧問海師此何所對曰陽山兀朮慨然歎曰昔唐斥境極于陰山吾得至此足矣遂下令反棹其日御舟將如館頭亦過於風不爾幾殆蓋天祐其魄而關中興云龍舒在淮最殷富虜自亂華江浙無所不至獨不入其境說者謂其語忌蓋以舒之比音為輸也

光堯既與子孝愛日隆每問安北宮間及治道時孝宗銳志大功新進逢意務為可喜效每落落淳熙中上益明習國家事老成鄉用矣一日躬朝德壽從容醢玉音曰天下事不必乘快要在堅忍終於有成而已上再拜請書紳歸而大字揭于選德殿

壁辛丑歲將廷策多士貢名者。或請時事于朝路間。聞其語而不敢形于大對。且慮於程文不要帖。僅即其近似為主意。或曰持守。或曰要終。既而御集英。臚唱宰執進讀。獨有一卷子。首曰天下未嘗有難成之事。人主不可無堅忍之心。上覽而是之。遂為第一。蓋親擢也。周伯凡常誦此事。謂凡文字明白痛快。當如此。予聞於其客劉達夫。自唐白樂天始為何處難忘酒詩。其後詩人多倣之。獨近世王景文質所作。雋放豪逸。如其為人。余得其四篇。曰何處難忘酒。蠻夷大不庭。有心扶白日。無力洗滄溟。豪傑將班白。功名未汗青。此時無一盞。壯氣激雷霆。何處難忘酒。姦邪大陸梁。腐儒空有齷。好漢總無張。曹趙扶關寶。王徐賣靖康。此時無一盞。淚與海茫茫。何處難忘酒。英雄太屈蟠。時違聊置春。運至即登壇。梁甫吟聲苦。干將寶氣寒。此時無一盞。拍碎石欄杆。何處難忘酒。生民太困窮。百無一人飽。十有九家空。人悅天方解。時和歲自豐。此時無一盞。入地訴英雄。景文它文極多。號雪齋集。大略似是。余又讀王荊公臨川集。亦有二篇。其一篇持典重。曰何處難忘酒。君臣會合時。深堂拱堯舜。密席坐皋夔。憂和氣襲萬物。歡聲連四夷。此時無一盞。真負鹿鳴詩。二公同一題。而喑鳴叱咤。一轉於俎豆間。便覺閒雅不侔矣。余嘗作一室。環寫此詩。恨不多見云。

孝宗朝尚書郎鹿何年四十餘一日上章乞致其事上驚諭宰相使問其繇何對曰臣無他願德不稱位欲稍矯世之不知分者耳遂以其語奏上曰姑遂其欲時何秩未員郎詔特官一子凡在朝者皆詩而祖之何歸築堂扁曰見一蓋取人人盡道休官去林下何嘗見一人之句而反之也何去國時齒髮壯不少衰居二年以微疾卒或較其積閱謂雖居位猶未該延賞天道固有知云所官之子曰昌運余在故府時昌運為左都嘗因至北關送客吳勝之為余道其事今知連州

吾鄉有義諭事甚奇余嘗為作傳曰義諭者九江成校王成之鎧騎也成家世隸尺籍開禧間虜大入淮甸成以卒從戎四方山屢戰有功稍遷將候騎方淮民習安倉卒聞虜至而逃蒿孽滿野成徇地至花鬻見病諭馬疥而痛骨如堵牆行逐水草步且僵烏為啄其上流血赭髀莫適為主繫而得之會罷兵歸飼以豐稊數半年膚革僅完毛彫復生日寘之槽枥惄惄然與羣馬不相顧時一出擊廡下顧景嘶鳴若自慶其有所遇成亦未始異之牙治在城隍每旦與同列之隸帳下者率夜漏未盡二刻騎而往屏息庭槐下執槌候晨雁鷺行立俟頤指盡午退以為常馬或蹶茶不任相通融為假借一日有告馬病從成請諭往始命鞍鞵鳴人立左右驟拒不可制易

十數健卒莫能孰何乃以歸之成曰安有是呼常取羸卒持鞍來則帖耳馴服如平時振迅通衢磬控緩亟無少忤者自是惟成乘則受之他人則復弗受雖日浴于河羣馬皆禡而騎相望後先踰之馭者終莫敢竊睨其膺鬣稍前則啞蓋之軍中咸指為驚悍擯弗齒嘉定庚午峒寇李元礪盜弄潢池兵戾符下統府調兵三千人以往成與行崎嶇山澤夷若方軌至吉之月餘寇來犯龍泉柵成出搏鬪四五合危敗之矣或以鈎出其腋及鞬而墜死焉官軍亟鳴鈺踰屹立不去踟躕徘徊悲鳴屍側賊將顧曰良馬也取之元礪有弟悍狠恃勢每出掠率獲取十二三適見之色動曰我欲之將不敢逆遂試之蹴踔進退折旋良愜即不勝喜貯以上廐煮豕濯泉煎畢用金玉為鎧華鶴沃纒極其鮮明群渠皆釀酒來賀輜重卒有為賊掠取者知之曰踰他日未嘗若是彼畜也而亦畏賊邪竊怪之於是日游其踰於峒岷間上下峻坂無不如意恨得之晚思一快意馳騁而地多阻且不可得後旬浹復犯永新柵官軍聞有寇至披鹿角出迎擊鼓聲始殷果乘踰以來踰識我軍旗幟亟馳賊覺有異大呼勒挽不止則怒以鐵梁擊之胯盡傷踰不復顧冒陣以入軍士識之者曰此王校之踰也是異服者必其酋相與逐之孰以下訊而得其實則縛以徇于軍曰得元

備之弟矣。諫而進賊軍大駭。軍士勇躍爭奮。遂敗之。急羽露書以出奇獲醜聞。檻送江右道。朝廷方患其跳梁。日僕吉語聞而嘉之。第賞有差。衆恥其功之出於馬也。沒驗之事。驗之義遂不聞於時。居二日。驗歸病傷不秣而死。裨官氏曰。孔子曰。驥不稱力。稱其德也。今視驗之事。信然。夫不苟受以為正。報施以為仁。吳以用其權而決以致其功。又卒不失其義以死。非德其孰能稱之也。彼仰秣而戀豆。歷跨下而不知取。因人而成事者。雖有奔塵絕景之技。才不勝德。媿之驚駘。何足算乎。余意君子之將有取也。而居是鄉。詳其事故。私撮取著于篇。

鄭華原居中在宥府。和子美。詵知雄州。嘗以事詣京師。召與語而悅之。遂薦於徽祖。數奏明密大契宸旨。進橫階一等。俾還任。詵因上制勝彊遠弓式。詵施行之。弓製實繁。極輕。神能破堅於三百步外。即邊人所謂風壓弓者。紹興中。韓蕲王世忠因之。稍加損益。而為之新名曰尅敵。亦詵起部通製。至今便焉。洪文敏容齋三筆謂祖熙甯神臂之規實不然也。詵知兵。嘗沮伐燕之謀。以及於賣北事之作。未及用以死。蓋兩河名將云。

韓平原在慶元初。其弟仰曾為知閤門事。頗與密議。時人謂之大小韓。求捷徑者爭

趨之一日內燕優人有為衣冠到選者自叙履歷材藝應得美官而留滯銓曹自春  
但冬未有所擬方徘徊浩歎又為日者弊帽持扇過其旁遂邀使談庚申問以得祿  
之期日者屬聲曰君命甚高但於五星局中財帛宮若有所礙目下若欲亨達先見  
小寒更望成事必見大寒可也優蓋以寒為韓侍燕者皆縮頭匿笑余憶慶元己未  
歲如中都道微之祁門夜憩客邸見壁間一詩漫味語意乃天族之試南宮者所作  
其辭曰塞衛衝風怯曉寒也隨舉子到長安路人莫作親王看姓趙如今不似韓旁  
有何人細書八字墨蹟尚新但云霍氏之禍萌於驂乘而已余謂優語所及亦一驂  
乘也蒙其指目者反愴然若不少悟何邪

趙良嗣既來降頗自言能文間以詩篇進益簡春遇至命兼官史局令續通鑑長編  
重和元年十二月丁未推修國朝會要帝糸后妃吉禮三類賞良嗣實竄名恭詳與  
轉一秩馬亦可占其非據矣後既坐誅其所自為集凡數十卷時人皆唾去不視蕩  
燬無收拾者余讀北遼遺事見良嗣與王瓌使女真隨軍攻遼上京城破有詩曰建  
國舊碑胡月暗興王故地野風乾回頭笑向王公子騎馬隨軍上五鑿上京蓋今虜  
會甯乃契丹所謂西樓者實耶律氏之威鎬豐沛犬羊固不足卹而良嗣世仕其國

身踐其軒貴為九卿一旦決去視宗國顛覆殊無黍黍之悲反吟咏以志喜其為人從可知也縱有名篇正亦不足錄況僅止爾邪五鑿乃上京殿名保機之故巢也

程史卷五終



程史卷第六

宋 相臺岳珂

淳熙辛丑舒之宿松民汪革以鐵冶之衆叛比郡大震詔發江池大軍討之既潰又詔以三百萬名捕其率革遁入行都廂吏執之以聞遂下大理獄具梟于市支黨流廣南余嘗聞之番禺周國器元鼎曰革字信之本嚴遂安人其兄孚師中嘗登鄉書以財豪鄉里為官權坊酤以捕私醜入民家格鬪殺人且因以掠斂黥隸吉陽軍壬午癸未間張魏公都督江淮孚逃歸上書自詭募亡命為前鋒雖弗效猶以此脫黥籍歸益治貨產復致千金革偶閭墻不得志獨荷一繖出閩淮有耕冶可業渡江至麻地家焉麻地去宿松三十里有山可斫革得之稍招合流徙者冶炭其中起鐵冶其居旁又一在荆橋使里人錢某東德主焉錢故吳越支裔也貧不能家妻美而黠革私之邑有酤坊在倉步白雲革訟而擅其利歲致官錢不什一別邑望江有湖地饒魚蒲復佃為永業凡廣袤七十里民之以漁至者數百戶咸得役使革在淮仍以武斷稱如居嚴時出佩刀劍盛騎從環數郡邑官吏有不愜志者輒文致而訟其罪或莫夜嘯烏合毆擊瀕死乃寘於是爭敢畏之願交歡奉頤旨革亦能時低昂折節

與游得其死力聲焰赫然自傳夷以下不論也初江之統帥曰皇甫倜以寬得衆別聚忠義為一軍多致驍勇繼之者劉光祖頗矯前所為奏散遣其衆太湖邑中有洪恭訓練居邑南門倉巷口舊為軍械先數年已去尺籍家其間軍士程某二人素識之往歸焉恭無以容又不欲逆其意革之長子某好騎射輕財結客遂以書薦之往果喜留之一年而盡其技革貨用適窘謝以鐵鍬五十緡二人不滿問其所往曰將如太湖革因寄書以遺恭革與恭好有私幹期以秋以其便之弗端書紙尾曰迺事俟秋涼即得踐約二人既出飲它肆酣相與咨怨竊發緘窺之而未言至太湖見恭恭門有茗坊延之坐自入于室取四練將遺之恭有妾曰小姐躬繫織勞以恭之好施也恪不予練屏後有詈言二人聞之怒恭堅持練出不肯受亦不投以書徑歸九江揚言于市謂革有異謀從我學弓馬兵陣已約恭以秋叛將連軍中為應我因逃歸故使邏者聞之意欲以藉手冀復收光祖廉得之恐捕二人送後司既無以脫遂出其書為證光祖繳上之朝有詔捕革郡命宿松尉何姓忘其名素畏其豪學卒又咸辭不敢前妾謂拒捕幸其事之它屬以自解時已無令有王某者以簿攝邑事郡檄簿往說論革已聞之頗為備飯簿以酒烹鵝不熟而薦意緒倉皇簿覺有異不

敢言而出。行數里解后。郡遣客將郭擇者至。擇與汪革交稔。故郡使繼簿將命。從以吏卒十餘人。簿下馬道革。語勸勿往。擇不可。曰：太守以此事屬擇。今徒還。且得罪。遂入革復飲之。時天六月方暑。虐以酒。自己至申。不得去。擇初謂革無他。既見。乃露刃列兩廂門下。憧憧往來。袒裼呼嘯。頗懼。鹽孫辭曰：革畢飲。字謂擇曰：希顏。吾故人。今事籍籍。革且不知所從。始雀鼠貪生。未敢出。有楮券四百。勻希顏。為我展限。擇陽諾。方取楮。捕吏有王立者。亦以革之餉飲也。醉聞其得錢。叩窗呼曰：三省樞密院。同奉聖旨。取譖反人。教練。乃受錢展限。邪革長子聞之。躍出縛擇曰：吾父與爾善。爾乃匿聖旨文書。給吾父死地。戶闔甲者。與王立先中二刀。仆。偽死。盡殲捕吏。鈎曳出。真播下。將殺。擇探懷中。得所藏郡移。擇搏頰祈哀曰：此非他人。乃何尉所為。苟得尉。辨正。死不恨。革許之。分命二子。往起炭山。及二冶之衆。炭山皆鄉農。不肯從。爭逆。逸。惟冶下多逋逃。群盜寔從之。夜起兵。部分行伍。使其腹心龔四八董三董四錢四二。及二子分將之。有衆五百餘。六月辛亥。暹明。莽食趨邑。數人者。故軍士。若將家子弟。亦有能文者。使且武。平居以官人稱。革皆親下之。革有三馬。號惺惺。駟小驄。駟曰番婆。子駿甚。馭曰劉青。驍捷過人。革是日被白錦袍。屬紫鞵。腰劍。總鵝梨。旋風髻。道荆橋。

東德之妻聞于垣。匿弗之見。乃過之。未至縣五里。錢四二有異心。因謂革曰。今捕何尉。顧不足多煩兵。君以親騎入。大隊姑屯此可也。革然其言。以三十騎先入郭門。問尉所在。則前一日以定民訟舍村寺未歸。乃耀武郭中。復南出。劉青方鞚。忽顧革曰。今雖不得尉。能質其家。尉且立來。革曰。良是。反騎趨縣。尉解在縣治。革將至。有長人衣白立門間。高與樓齊。其徒俱見之。人馬辟易。亟奔還。則錢四二者已與其衆潰逃。略盡。惟龔董守郭。擇不去者尚五六十人。計無所出。迺殺擇而還麻地。其居屋數百間。藏書甚富。穀粟山積。盡火之。幼孫千一甫十一歲。使乘惺惺騮。如無為。漕司分訖。非敢反。特為尉迫脅狀。遂殺二馬。挈其孥至望江。以五舟分載。人天荒湖泊葦間。與龔董澆涕別去。曰。各逃而生。毋以為君累也。其次子有婦張實。太湖河西花香鹽。賈張四郎之女。有智數。嘗勸革就遠。弗從。至是與其子相泣。自湛于湖。時人哀之。王立既不死。負傷而逃。歸郡。郡聞革起。聚民兵會巡尉來捕。且驛書上言。詔發兩統帥。偏裨撲滅。勿使熾。居十日而兵大合。徒知其在湖。不敢近。視舟有烟火。且聞伐鼓聲。稍久。不出。使聞之。則無人焉。煙乃熯麻屑。為詰曲如印。盤縛革鼓上。使以蹄擊。革蓋東矣。革之至江口。刦二客舟。浮家至雁汊。采石偽官歸峽者。謁征官而去。人莫之疑。

舒軍既失革朝廷益慮其北走胡大設賞購革乃匿其家于近郊故死友家夜使宿弊窰曰吾事明家可歸師中兄遂入北關遇城北廂官白某者于途白嘗為同安監官識革方駭避革曰聞官捕我急請以為君得束手詣闕下天獄獄吏訊其家所在備楚毒卒不言從獄中上書言臣非反者蹭蹬至此蓋嘗投匭請得以兩淮兵恢復中原不假援助臣志可見矣不知訟臣反而捕者為誰請得以辯乃詔九江軍送二人捕洪恭等雜驗皆無反狀書所言秋期乃它事革坐手殺平人論極典從者未減二人亦以首事妄言杖脊竄千里方其孫訴漕司時逸押繫太湖荷小校遇棠梨市國器嘗見之惺惺駟棄野間為人取去宿松人復據之以瘠死革之婿曰毛齋字時舉第百一居倉步亦業儒以不預謀至今存後其家果得免依乎而居後一年事益弛乃如宿松識故業董四從有總首詹怨之捕送郡郭擇家人逆諸門搏擊之至郡庭首不髮矣其捕董時亦賞緡千郡不復肯畀薄其罪僅編管撫州革未敗天下謠曰有箇秀才姓汪騎箇驢兒過江江又過不得做盡萬千趨鏹又曰往在祁門下鄉行第排來四八首尾皆同凡十餘曲舞者率侑以鼓吹莫曉所謂至是始驗革第十二以四合八其應也二人初言蓋謂革將自廬起兵如江云國器又言革存時每酒

酣多好自舞亦不知兆止其身宿松長人或謂其邑之神曰福應侯威靈極著革時亦欲縱火殺掠使無所睹邑幾殆時守安慶者李歲久亦不知其為何人也

苗劉之亂勤王兵向闕朱忠靖勝非從中調護六龍反正有詔以二凶為淮南兩路制置使令將部曲之任時正彥有挾乘輿南走之謀傳不從朝廷微聞而憂之幸其速去其屬張遠為畫計使請鐵券既朝辭遂造堂袖劄以懇忠靖曰上多二君忠義此必不吝顧吏取筆判奏行給賜令所屬檢詳故事如法製造不得住滯二凶大喜是夕遂引遁無復禱者時建炎三年四月己酉也明日將朝郎官傳宿扣漏院白急達事命延之入傳曰昨得堂帖給賜二將鐵券此非常之典今可行乎忠靖取所持帖顧執政東燭同閱忽顧問曰檢詳故事曾檢得否曰無可檢又問如法製造其法如何曰不知又曰如此可給乎執政皆笑傳亦笑曰已得之矣遂退後傳論功還一官忠靖嘗自書其事云

孫仲益觀鴻慶集大丰銘誌一時文名獵獵起四方爭輦金帛請日至不暇給今集中多云云蓋諛墓之常不足詫獨有武功大夫李公碑列其間乃儼然一瑞耳亟稱其高風絕識自以不獲見之為大恨言必稱公殊不作於宋用臣之論蓋也其銘曰

靖共一德。歷踐四朝。如砥柱。立不震。不搖。亦太多。云。余在故府時。有同朝士。為某人作行狀。言者摘其事。以為士大夫之不忍為。即日罷去。事頗相類。仲益蓋幸而不及於議也。

余兄周伯以淳熙丙申。召為太府簿。時姑蘇有民家。姓唐。一兄一妹。其長皆丈有二尺。里人謂之唐大漢。不復能嫁。娶每行。勸倚市簷。憩坐如堵牆。不可出。出輒傾市從觀之。日啗斗餘。無所得食。因適野。為巨室受困粟。蓋立國外。即可舉手。以致不必以梯也。以是背微。極有璫。以輅使客。見之大驚。遂入奏。詔廩之殿前司。時郭棣為帥。周伯聞一往必敬。喏其聲如鐘。德壽時欲見之。懼其聚民。乃臥之浮於河。至望仙專舟焉。又江山邑寺有蠟。垂眉長適尺。來淨慈。都人爭出視之。信然。事聞禁中。詔給僧牒。賜名延慶。寺僧日坐之門。護以行馬。士女填咽。炷香。謂之活羅漢。遂哀施。費為殿。寺有故銅像甚侈。乃位之中。不期而成。周伯亦親見之。是非肖貌。賦形之正。近於人妖矣。後數年。周伯去國。皆不知所終。

江西詩派所在。士多漸其餘波。然資豪健。和易不常。詩亦隨以異。廬陵在淳熙間。先後有二士。其一曰劉改之。余及識之。嘗書之矣。舊歲在里中。與張漕仲隆棟之子似。

仲游因言劉叔儼詩句叔儼名儼才豪甚其詩往往不肯入格律淳熙甲辰乙巳間  
余兄周伯持浙東庾節待次一日遇仲隆同登其家後園快目樓有詩楣間曰上得  
張公百尺樓眼高四海氣橫秋只愁笑語驚閭闔不怕闌干到斗牛遠水拍天迷釣  
艇西風萬里襲貂裘眼前不著淮山礙望到中原天際頭周伯讀而壯之問知其儼  
居月餘儼來謁仲隆仲隆留之因置酒北湖招周伯曰詩人在此亟踐勝約既至一  
見如舊交坐中以二詩遺周伯其一曰昔年提鼓事邊庭公相身為國重輕四海幾  
人思武穆百年今日見儀刑筆頭風月三十字齒頰冰霜十萬兵天亦知人有遺恨  
定應分付與中興其二曰已買湖山卜奠居因君又復到康廬十年到處看詩卷一  
日湖邊從使車南渡忠良知有種中原消息定關渠從今便是門闌客時出山來探  
詔除詩成風簷展讀大喜遂約之入浙明年叔儼過會稽留連累月餉之緡錢甚夥  
叔儼又有題岳陽樓一篇周伯喜誦之余得其親錄本曰八月書空雁字聯岳陽樓  
上俯晴川水聲軒帝釣天樂山色玉皇香案烟大舶駕風來島外孤雲銜日落吟邊東  
南無此登臨地遣我飄飄意欲仙余反覆四詩大概皆一軌轍新警峭拔足洗塵腐  
而空之矣獨似傷露筋骨蓋與改之為一流人物云叔儼後亦終韋布詩多散軼不傳



李龍眠既畫馬之嗜。畫作補陀大士相。以施緇徒。垂老得足。椿戲筆五百應真像。幾年通成。平生繪寫具大。三昧僅此軸耳。先君在蜀得之。母氏雅敬浮屠。常積致香。火室中。余來京口。因暇日出示。王英伯遂做貝葉語。為作記。其右曰。南閩浮提有大善知識。現居士宰官婦女身。在家修菩薩梵行。有一初學。與其子游。以是因緣。得至其舍。一日出示五百大阿羅漢海會妙相一軸。於是合掌恭敬。數未曾見。如人入閻。忽覩光明心。大歡喜。莫可喻說。宛轉諦觀。神通變化。皆得自在。小大長短。老幼妍醜。各有所別。足踏滄海。如履坦途。蛟蜃龜蛇。魚鱉蛙蛤。俛首聽命。如乘安車。天龍八部。夜叉羅刹。諸惡鬼眾。前後導從。如役僕廝。寶花續紛。天樂競集。金橋架空。琪樹蔽日。或闌而竊。或倚而立。瓶鉢杖拂。各有所執。凌雲馭鳳。升降莫測。或解衣渡水。或濯足坐石。或挽或負。狀貌迭出。以種種形。成於一色。於一色中。眾妙畢具。如幻三昧。隨刹現形。千變萬化。不離一性。如是我聞。釋迦文佛。既成道已。乃於耆闍崛山。集阿羅漢。有學無學。菩薩摩訶薩。次第授記。陳如號曰普明。五百阿羅漢亦同一號。名曰普明。既受佛記。即得如來方便法。而金剛經云。實無有法。名阿羅漢。則是諸大阿羅漢。有法無法。有相無相。皆不可知。不可測。飄流大海。一切眾生。天龍八部。諸鬼神眾。若有

若無若隱若顯亦不可知不可測如夢中語如水中塵如暗中影如空中花謂之有相可乎謂之有法可乎是又不可知不可測然則斯圖之作滄海浩渺神通變化奇形異狀曲極其妙求諸法邪求諸相邪是又愚所不可知不可測夫佛於賢劫中大梵天未出母胎居摩尼殿集天釋梵八部之衆演暢摩訶衍法度無量無邊衆生其殿百寶裝嚴衆妙殊特匪因緣而有匪自然而成則是殿是佛是法是相謂之有乎謂之無乎知此則知海之為海羅漢之為羅漢蛟蜃龜魚鯨蛙蛤天龍八部夜叉羅刹是邪否邪有邪無邪匪大圓覺合凡聖於一理混物我於一心是否兩忘色空俱滅則法且無有何況於相相且無有何況於畫畫且無有何況於記雖然是理也為發大乘者說為發最上乘說若夫即心是佛因佛見性喜男子善女人有能於一切法一切相而生敬心則聚沙為塔畫地成佛皆是道場何況圖畫裝嚴盡形供養當知是人成就第一希有功德所得福德亦復如是不可思議不可稱量於往昔時有大居士號曰龍眠得畫三昧始好畫馬念念弗忘有大比丘見而語之由此一念當墮馬腹於是居士蹊然懺悔乃於一切諸佛諸大菩薩而致意焉端嚴妙麗隨念現形皆得三昧是羅漢者居士之所作也以居士之一念畫此羅漢以大善知識

之一念得此羅漢當知是畫為第一希有畫者得者非於過去無量阿僧祇劫承佛受記未易畫此亦未易得此至於有法無法有相無相如魚飲水冷暖自知是記也蓋為畫設開禧二年百六日初學王邁謹記英伯它文亦多奇累試詞闌不備今尚在選調中余前書京口故游蓋其人也

程史卷第六終

程史卷第七

宋 相臺岳珂

開禧兵隙將開憂國者慮其不終乙丑之元吳畏齋自鄂召過京口以先君湖湘之契先來訪余亟送出南水門謝不敏既而留中為大達未幾遂以秘撰帥荆復出關西沂時北事已章灼余念數路出師且有殷鑒雖上流運奇先王有遺規而今未必能且是時招偽官遣妄牒疊疊多費實無益於事天下寒心而謀國者不之知也因草一啟代贊及之曰騎虹過賀曾親警效之承倉鼠歎斯尚墮塵埃之夢喜拜重來之命試伸一得之愚竊以宋受天命何啻百庚申虜汚中原又聞一甲子自崇觀撤藩籬之蔽而炎興紛和戰之謀誕謾敗事而異懦則有餘浮躁大言而矜夸之亡實有志者以拘攣而廢無庸者以積累而升牢籠易制之人才忤愾有為之歲月肉食者鄙亡秦當可進而失機骨信而爭逆亮以難從而求譽遂致蟠固狡兔之窟猶欲睥睨化龍之都決策和親姑謂奉春之執計臥薪自勵誰為勾踐之盛心金湯恐喝於豫圖玉帛聯翩於遠餽百年棄置亦已久矣萬口和附以為當然不特手足混於無別而反使有加將見膏血困於常輸而未知所止有識每一真念終夕為之寒心

今雖欲為後乃益甚。竊聞九世之大議，僅積三時之成規。踪迹張皇，已同獸闢。議論  
噂噓，堅關狐疑。徒欲快一決而僥前功。詎曰計萬全而為後慮。吠畝有懷於憂國，匪  
旌無路而陳情。敢忘未學之激衷。試請丈人之靜聽。嘗觀古昔中興之業，或因東南  
全盛之基。規模雖狹於未宏，功業亦隨其所就。孫氏北無淮而西無蜀，距江尚固於  
周防。晉室內有寇而外有戎，渡水亦成於克捷。彼皆未盡有今日之所有。我乃類欲  
為當時之不為。邊草未搖，紛紛抵掌。塞塵一警，惴惴奉頭。弛張以違，固曰隨時。勇怯  
任情，料必至此。未嘗有十年之生聚，但聞以千里而畏人。惟昧於天下轉移之機，所  
以成流俗衰頹之弊。願姑寘尋常以破未識時之說，特欲舉一二以釋妄乘勢之疑。  
夫江淮為唇齒之邦，關陝乃腹心之地。欲近守則不當固其內而舍其外，欲遠攻則  
安可即所後而忘所先。況天險可守，共守則險亦均。地利可據，能據則利必倍。此皆  
不易之常理。具有已行之舊規。襄陽關中之喉，兵易進而亦易退。京師海內之腹，守  
可暫而不可常。通秦蜀兩道之勢，則兵力不宜輕。居陳梁四戰之郊，則守備不必泥。  
使靈旗再圖北指，詎不先出覘之師。而大駕一日東歸，似難執居汴之策。蓋設險象  
存於習坎，而趨時患在於用常。誠由泗宿以下靈壁之師，因登萊而濟海道之衆。淮

西則出壽春而窺許境。關外則道大散而瞰雍郊。是謂正兵。皆為危迫。蓋河南雖可得而難於持久。舟師雖可用而未為全謀。即平壤以制敵。蹉跌則不支。用險道以出兵。餽餉則難繼。故顯忠卒成行離之師。而至於潰。李寶僅濟膠西之捷。而不敢留。水路貽明儆之憂。陸運制武侯之出。非陳言之是。襲亦商監之可稽。若夫運上流之奇。此端繫大賢之責。一軍下統。洛中原之勢已搖。萬騎出潁昌。京畿之地旋復。南城分徇。而首尾互應。朱仙進擊。而手足獨披。惟是時之舉。偶困於謗書。而此日之功。難言於覆篋。苟盡得策。豈復至今。自兩河而言。則銅梁為舊疆。由九郡而論。則金城為限。塞平州與三關異路。而不豫計。真兒戲哉。白溝僅一水。累世而不敢逾。亦幸安耳。今欲為能勝。而必不可勝。固當審所圖。而棄其難圖。豈徒舍敗績而趨成功。庶不因空名而受實禍。宣和之捷。所以貽靖康之變。隆興之戰。所以成乾道之盟。惟思之遠。而慮之深。庶功可成。而憂可弭。大姑少置。小亦未安。招携固上策。而納歸正乃自用之資。用閒誠至謀。而遣妄謀乃無益之費。偽官換授。是當誅而蒙賞。厚賞輕畀。是以寔而易虛。雖至愚猶且知其非。豈在上顧甘循其弊。許移治者。是許其棄地。令擇利者。是令其退師。徒使全家保妻子之臣。用以藉口。竊爵祿之寵。邊城保障。以廟堂使。

聞而不免於屢遷。戎閫事機以主帥奏安。而常淹於難達。偃然以承平文飾之體。巍乎居要境。藩維之權。塞下之粟。反內徙以自虛。軍中之弊。猶日股而不止。歲市駿而不能償耗。誰興開元監牧之謀。日計潛而未足。餽軍孰啟神爵屯田之策。民兵文具。禁籍虛員。柰何欲興不世之雋功。高爾未革易知之宿弊。此特言其梗概。初未効於消埃。已不勝賈生痛哭之私。矧欲致藏宮鳴劍之議。試捺悶悶。毋謂平平。恭惟某官以世大儒。助國正論。貫兼資於文武。視一節於險夷。歸自乘軺。公議浩然。而歸重界之顯聞。天心昭若。以可。知上方勤西顧之憂。公特任北門之寄。風露三神之頂。洵爾褰裳。旌旗千騎之來。足然望履。聳列城之觀望。屹外間之蕃宣。當盡遠猷庶銷過計。某辱知最渥。因事有言。屢矣蹉跎。雖粗有少年之志。斐然狂簡。得毋貽小子之嗤。或可執鞭。願供磨盾。其諸較熟之責。徒致高明之煩。嗣聽策勳。別當修督。畏齊在丹陽館。一覽輒喜。親作數語。謝曰。抗身名以衛社稷。久沈射虎之威。疏王爵以大門閤。將表食牛之氣。有來相過。允荷不忘。監倉學士。風烈承宗。詞華振俗。喜北平之有後。幸郎君之克家。庾氏卑官。王孫令器。必有表薦。以發忠嘉。至於陳誼之甚高。與夫期待之太過。此則諸君子之責。而非一郡守之憂。某行官沔鄂之間。即有兵民之寄。當呼老



校退卒問先烈之宏規將與群公貴人誦故侯之名緒叙謝之意勿草莫殫於是一  
得之謀頗徹於諸公間矣又一年稍稍如言宇文顧齋聞之從章以初錄本忝會除  
次對謬以充自代薦且有志識不群之褒初未相識也故余投謝駢儷有曰初不求  
於識面豈自得於知心蓋指此它日又特刺亟稱之于廟堂余迄不知所蒙近緒故  
笈偶見存本因悼殄瘁潛然出涕書之以志余之愧於知己者焉

靖康元年金人陷京師明年太宰張邦昌僭帝位是歲邦昌伏誅又三年盡陷中原  
地殿中侍御史劉豫復僭帝位九年豫就執北去余嘗得其二冊文乃刪其吠堯者  
而撥錄之邦昌之冊曰維天會五年歲次丁未二月辛亥朔二十有一日辛巳皇帝  
若曰朕惟我太祖武元皇帝肇建區夏務安元元肆朕纂承不敢荒怠夙夜兢兢思  
與萬國格于治粵惟有宋寔乃通鄰貢歲幣以交懽馳星輅而講好期於萬世永保  
無窮蓋我有大造于宋也不圖變誓渝盟以怨報德開端招禍反義為仇今者國既  
乏主民宜混同然念厥功誠非貪土遂命帥府與眾推賢僉曰太宰張邦昌天毓疏  
通神資睿哲處位著忠良之譽居家聞孝友之名寔天命之有歸仍人情之所徯擇  
其賢者非子而誰是用遣使備禮以璽紱寶冊命爾為皇帝以援斯民國號大楚都

于金陵自黃河以外除西夏封圻疆場仍舊世輔王室永為藩臣貢禮時修勿疑於  
述職問音歲至無緩於披誠於戲天生烝民不能自治故立君以臨之君不能獨理  
故設官以教之乃知民非后不治后非賢不守其有位者可不謹歟予懋乃德嘉乃  
丕績日敬一日雖休勿休欽哉其聽朕命豫之冊曰維天會八年歲次庚戌七月辛  
丑朔二十有七日丁卯皇帝若曰朕公於御物不以天下為己私職在牧民乃知王  
者為通器威罰既已殄罪位號宜乎授能過者有遠運屬顛危數窮否塞獲罪上帝  
流毒下民太祖武元皇帝仗黃鉞而拯黎元度白旄而普師旅妖氣既殄區宇大甯  
爰有宋人來從海遼願輸歲幣祈復漢疆太祖方務善鄰即從來議重念斯民久罹  
塗炭未獲昭蘇不委仁賢孰能保定咨爾劉豫夙擅直言之譽素懷濟世之才居于  
亂邦生不偶世百里雖智亦奚補於虞亡三仁至高或顯從於周仕當姦賊授攘之  
際正愚氓去就之間舉郡來王奮然獨斷遠乎歷試厥勳克成夫委之安撫教化行  
任之尹牧獄訟理付之總戎盜賊息專之節制郡國清況有定衰救亂之謀必挾拯  
變扶危之策使民無事則橐弓力穡有役則釋耒荷戈罷無名之征捐不急之務微  
隱逸舉老廉振紀綱修制度省刑罰而忝煩酷發倉廩而息益螟神人以和上下協

應比下明詔詢考輿情列郡同辭一心仰在宜即歸仁之地以昭建業之元是用遣西京留守高慶裔副使禮部侍郎知制誥韓昭備禮以璽紱寶冊命爾為皇高國號大齊都于大名歲修子禮永貞虔誠昇爾封疆竝從楚舊更須安集自相攸居爾其上體天心下從人欲忠以藩王室信以保邦圻惟天難謐惟命靡常謹厥德保厥位爾其勉哉勿忽朕命王冊皆以六十六方為制每方字兩行以金書之於虜犬羊亂華顛倒冠履一至於此讀此者得不起魯仲連之媿乎

秦檜以紹興十五年四月丙子朔賜第望仙橋丁丑賜銀絹萬匹兩錢千萬緡千緡有詔就第賜燕假以教坊優伶宰執咸與中席優長誦致語退有叅軍者前袞檜功德一伶以荷葉交椅從之故語雜至賓散既洽叅軍方拱揖謝將就椅忽墜其幞頭乃總髮為髻如行伍之中後有大巾銀為雙疊勝伶指而問曰此何銀曰二勝銀遽以朴擊其首曰爾但坐太師交椅請取銀絹例物此銀掉腦後可也一坐失色檜怒明日下伶於獄有死者於是語禁始益繁丙燁令衿等吻禍蓋其末流焉

張丞相商英媚事紹聖共倡紹述崇甯二年遂為尚書左丞會與蔡元長異論中執法石琚殿中御史朱絳余深以風旨將劾奏之而無以為說或言其在元祐中嘗著

嘉禾篇傲司馬文正於周公且為開封府推當其覺時代府尹為醉祭文有褒頌功德語因請正其罰有詔張商英東國政機論議反覆加之自取榮進貪冒希求元祐之初詆訾先烈臺憲交章豈容在外可持落職依前通議大夫知亳州余家舊有石刻正其所謂嘉禾篇者文既爾雅論亦醇正惜乎其好德之不終也因錄之以表其初終焉篇之言曰維元祐丁卯十月定襄守臣得禾異畝同頌部使者臣張商英作嘉禾神宗既登遐嗣皇帝冲幼中外震懼罔知社稷攸託惟我太母晦聖德于深宮五十有四年克莊克明克仁克簡肆膺顧命保佑神孫以總大政既臨延和乃告于侍臣曰嗚呼先皇帝聰明文武宏規偉圖軼于古先丕惟曰禹貢九州之域久封裔壤培于殊俗豺狼野心終不可養序弗底平時以憂貽于我後昆迺備材加迺督事功務除大害不怕小怨今既墜厥志罹家多艱其弛利源與民共之所不欲一切蠲罷庶事肇革眾志未孚新故相形愛惡相反議論乘隙紛紜互建疑生于弗親忿生于弗勝其散成仇其合成黨盈庭睚眦震于視聽惟聖母燭以純靜斷以不惑去留用捨不歸于偏歸于是越三載群慝斯嘉群乖斯和群異斯同馨聞于上帝風雨時若英華豐美被于草木發珍祥于茲嘉禾厥本惟三厥壠惟五厥穗惟一臣聞曰在昔

成王冲幼周公居攝近則召公不悅遠則四國流言成王灼知忠邪之情誅伐謹愆卒以天下聽於周公時則唐叔得禾異畝同穎以獻推古驗今跡雖不同理或胥近臣商英敢拜手稽首旅天之命曰嗚呼先民有言衆賢和于朝萬物和於野和氣致祥乖氣致異治平之時君臣固不咸有一德在虞舜時百僚師師在文王時多士濟濟降及幽王小人在位君子在野其詩曰滄滄訛訛又曰嗚嗚背憎嗚呼卿士庶尹敬之哉曲直之辯是非之判罔或不異如禾之本終以合穎利害之當于奪之中罔或不同如禾之穎非離於本無有作同害于而公臣吳安操臣李昭敘等立石余又嘗求其開封祭文而觀之頌之極摯者亦特曰公在熙寧謫居洛京十有五年資治書成帝雖寵嘉以予登瀛方渴起居而帝在天太母垂簾保佑神孫疇咨在庭屬以宗社介特真淳無易公者公來秉鈞久詘而伸五害變法十科取人孰敢弗良孰敢弗正有傾其議必以死爭日月徂征思速用成心剗形瘳胡衛餘生嘉謀嘉猷百未一有告訃音夜奏九重震悼壽惟太師開國于温莫惠我民門巷頌寃迺命貳卿葬其先原公殮具資一給于官悠悠蒼天從古聖賢損益盛衰與時屢遷功虧于費志奪于年古也如斯豈公獨然已矣温公夫何憾焉如此而已雖違時論亦非大溢美者

蓋五害等字乃當時之所深諱是以亟黜而不留也張之立朝其初議論具是暨哲宗親政首為諫官乃指呂汲公范淳夫輩為大姦而以司馬文正文忠烈為負國甚者至以宣仁比呂武殊視此文為不同反覆之言聖謨具得之矣其後入黨籍卻反成濫竽大觀爰立本以其能與蔡立異而用之亦不能久也欽皇嗣服會時相主其人贈以太保與范司馬二文正並命天下莫不疑之王侂作東都事略載張罷左丞以言蔡京姦邪有自為相國志在違君等語臺臣以為非所宜言而謫之考之史諫蓋專坐此篇傳書誤甚當因其異同之迹而遂從傳疑其實非也

秦檜為相久擅威福士大夫一言合意立取顯美至以選階一二年為執政人懷速化之望故仕於朝者多不肯求外遷重內輕外之弊頗見於時有王仲荀者以滑稽游公卿間一日坐於秦府賓次朝士雲集待見稍久仲荀在隅席輒前白曰今日公相未出堂衆官久伺某有一小話願資醒困衆知其善諷爭竦聽之乃抗聲曰昔有一朝士出謁未歸有客投刺于門聞者告之以某官不在留門狀俟歸呈稟客忽勃然發怒叱關曰汝何敢爾凡人之死者乃稱不在我與某官厚故來相見某官獨無諱忌乎而敢以此言目之邪我必俟其來面白以治汝罪關拱謝曰小人誠不曉諱忌

願官人寬之。但今朝士留謁者例告以如此。若以為不可當復作何語以謝客。客曰：汝官既出謁未回，第云某官出去可也。聞愀然感頰曰：我官人甯死，卻是諱出去二字。滿座皆大笑。仲荀出入秦門，預褻客。老歸建康以死。諛辭多風，可雋味。秦雖煽語禍，獨優容之。蓋亦一吻流也。

程史卷第七終



程史卷第八

宋 相臺岳珂

九江郡自梁太清始莫濫口濫口乃漢灌嬰所築也灌井在焉故余家晉益杆事猶有家居城中城負江面山形勝盤據三方阻水頗難於攻取開寶中曹翰討胡則踰年不下或獻計於翰曰城形為上水龜非腹脇不可攻從之果得城至今父老指所由入云在北閩新倉後郡治之前對康廬有峯曰雙劍乾道間蜀人唐立方文若來為守謂翰實屠城而李成等寇亦嘗入郛殘其民取陰陽家說意劍所致乃闢燕樓前地築為二城夾樓轟其上謂之匣樓曰匣實藏劍江人相勸成之有日者過其下曰是利民而不利於守立方聞之不以為意居一年果卒官其異如此立方故知名嘗為中書舍人終之年六十八

近世清臺占候頗失其守雖試選甚難多筌蹄之學以故證應之驗視前世為疏開禧丙寅二月丙子余在京口章以初居戎司薊風亭余泣事度中歸過之小酌握手庭下日方申忽覺天半砢鉤有聲甚厲矯首正見一星南墜曳尾如帚逶迤久之始滅相與歎異未幾而兵燹開江淮荐饑死者幾半嘉定己巳五月辛亥余里居晚浴

散步西園。暝色將至。從行一僮。忽仰而驚。睇視之。亦一星。大小如京口所見。而色紺青。尾欲煜煜。自南徂北。行頗迅。亦隱隱鳴于空中。時虜酋易位。蒙韃闖其境。兵禍糾結。數年猶不解。則所隊之方。蓋有妖焉。余不甚習。變星二星所偶見。皆白晝出。太史且未嘗問。亦不聞奏報。其它躔度微忒。意必不能詳也。

余為扈簿。日瑞慶節。隨班上壽紫宸殿。是歲虜方掣兵北邊。賀使不至。百官皆賜廊食。余待班南廊。日已升。見有老兵持二髻牌。至金書其上。曰。輒入御厨。流三千里。既而太官供具畢集。無帶幕限。隔僅以鏡窻刀機自隨。繚叢簷下。侑食首以旋鮓。次暴脯。次羊肉。雖玉食亦然。且一小櫟。如今人家海味櫟之制。合以玳瑁而金托之。封其兩旁。上以黃紙書品嘗官姓名。以待進。黼坐既御。合班拜舞。用樂伶人自門急趨折檻。以兩檐為作止之節。廊下設纈褥。真坦于前。有肴核。爵以銀而厚其脣。為之一耳。頗不便於飲。上錫紹興十二年某州所造。蓋和議成而舉彌文責之外郡。以期速集也。每舉酒。玳合自東廡入。廊饌繼至。適盧棘簿于文在旁。因言此藝祖舊制。在汴京時。天造艸昧。一日長春節。欲盡宴廷紳。有司以不素具奏。不許。令市脯隨其有。以進。仍詔次序勿改。以昭示儉之訓。如賜宴貢院前。二醜止。以果實薦。無品食。蓋當時市

之者未至耳。其第三醜亦首以旋詐云。余聞之典儀曰：它日戎贄在廷，則百官皆  
搢笏而退，無賜食。七十年矣。此乃適因其不來而舉行者，故竊志之。

崇甯間，望氣者上言景州阜城縣有天子氣，甚明。徽祖弗之信。既而方士之幸者頗  
言之，有詔斷支隴以泄其所鑿。居一年，猶云氣故在。特精臨將為偏閩之象，而不克  
有終。至靖康偽楚之立，踰月而釋位。逆豫既僭，遂改元阜昌。且祈于金酋，調丁繕治。  
其故嘗夷鑿者，力役彌年，民不堪命，亦不免於廢也。二僭皆阜城人，卒如所占云。

孝宗初政，袁子為右正言。一小亟請對，論北內有私醜，言頗切直。光堯聞之，震怒。上  
嚴於養志，御批放罷。中使持璽封至堂，時陳文正當國。史文惠為參預，未知其倪，啟  
封相顧罔測。文惠曰：上新即位，而首逐一諫官，未得其名，此決不可。請俟審奏。翌日  
遂朝，方扣榻以請。玉音峻厲，遽曰：謂已行下矣。尚何留？文惠奏曰：陳康伯固欲速行，  
而臣不欲也。臣有千慮之一，願留身以陳班退。文惠問乎何罪也。上諭以疏意曰：是  
非所宜言，不逐何待？曰：陛下亦知德壽宮中無士人乎？曰：何謂也？曰：北內給事，無非  
閹人，是惡知大體。若非幾箇村措大在言路，時以正論折其萌芽，此曹馮依自恣，何  
所不至。上竦而悟。天顏少餘。文惠進曰：不持此事，爭臣無故賜罷，天下咸以為疑。而

欲知其故。若以此為罪。則兩宮之間。且生四方聞之。必謂陛下。以天下養。而使北內。至於有此。非供億不足。而何必不得已而去。當因其自請。而聽之可耳。上釋然。霽威曰。善。將退。復前曰。後之曰。復當五日之朝。願陛下試以意白去乎。儻可以上皇意留之。尤盛德事。上許諾。既歸。自北宮。亟召文惠而諭之曰。太上怒哀乎。甚。朕所以亟欲去之。昨日方燕。太上賜酒一壺。親書德壽私酒四字於上。使朕踟躕無所。文惠曰。此陛下之孝也。雖然。終不可暴其事。居數日。孚請祠。得守永嘉郡。既而文惠又奏。諫官以直言去。非邦家之美。請以職名華其行。遂除直秘閣。外朝竟不及知。自是繼人知諧之不行。亦無復投隙者。一言回天。體正諷得。兩宮慈孝。終始無間。此舉寔足以權輿之云。

蜀士尚流品。不以勢誣。乾道間。楊嗣清申有聲西州。清議推屬。初試邑。有部使者。不欲名。頗以繡衣自驕。怒其不降意。誣劾以罪。趙衛公方為左史。聞之。不俟車。亟往白廟堂曰。譬之人家。市猫于鄰。卜日而致之。將以咋鼠也。鼠暴未及問。而首挾雕籠。以噬鷄。其情可恕乎。當國者問其繇。告以故。相與大笑。劾情竟格不下。嗣清仕亦不顯。有弟曰嗣熱。補位至從橐。其清名亦相伯仲云。至今蜀人談謔。以排擯善類者為

猫噬鸚鵡王中父嘗為余道而忘其所為邑之名

逆曦未叛時嘗歲校獵塞上一日夜歸茄鼓競奏輒載雜襲曦方垂鞭四視時盛秋天宇澄霽仰見月中有一人馬騎而垂鞭與己惟肖問左右所見皆符殊以為駭嘿自念曰我當貴月中人其我也揚鞭而揖之其人亦揚鞭乃大喜異謀謀是亦決德夫兄至蜀安大資丙與之醢親言之夫妄心一萌舉目形似此正與投楮天池者均耳月妖何尤

先塋呂田原之北二里許有山岷焉不合如礪土名曰焦庫有周氏墳其間篁木蔽翳泉甘草茂牧者趨之嘉定癸酉四月甲午正晝有詹氏子十九歲牧一犝墳側方偃于背鄰之二兒甫齒戲于旁有虎出于薄直前搏犝二兒癡不識為虎擲瓦礫嗾而逐之虎顧犝不肯去二兒倚徙觀稍前乃緣登木牧子念其家貧惟恃此以耕不勝憤徑歸取斧將以殺虎其父在田不之知母視其來也遽問而告其故顧東作方殷家無男子乃集里婦數人謀而從既至二兒觀酣嬉笑自若犝以角拒虎爪啣無完革矣牧子視犝且困揮斧大呼欲以致虎虎果舍犝來時木影漏日刃環舞翕霍有光虎益自縮作勢奮迅欲以攫取犝少憇力魁乃前鬪虎舍牧子與之相持牧子

氣定更進虎又舍狩狩與牧迭抗虎如此者彌半日項羣婦莫之孰何既而山下民聞者持挺譙呼來漸多虎遂棄而去狩牧竟全余時倚墜冢下僕輩親見之來告遣視民方環睨虎猶未逸也畜而義不忘衛所牧牧子亦克念其家奮不顧死皆可尚二兒不知畏不被搏噬東坡沙上抵首之說諒可信云

余嘗得東坡所書司馬溫公解禪偈其精義深韞真足以得儒釋之同特表其語而出之偈之言曰文中子以佛為西方之聖人信如文中子之言則佛之心可知也今之言禪者好為隱語以相迷大言以相勝使學者悵悵然益入於迷妄故余廣文中子之言而解之作解禪偈六首若其果然則雖中國行矣何必西方若其不然則非余之所知也忿氣如烈火利欲如銛鋒終朝常戚戚是名阿鼻嶽顏回安陋巷孟軻養浩然富貴如浮雲是名極樂國孝弟通神明忠信行蠻貊積善來百祥是名作因果仁人之安宅義人之正路行之誠且久是名光明藏言為百代師行為天下法久久不可掩是名不壞身道義修一身功德被萬物為賢為大聖是名菩薩佛於序妄者以虛辭岐實理以外慕易內修滔滔皆是也豈若是偈之坦明無隱乎益反而觀之

徽祖將內禪既下哀痛之詔以告宇內改過不吝發于至誠前一夕即玉虛殿常奉  
真馭之所百拜密請祈以身壽社稷夜漏五徹焚詞其間壙塢巨瓊但聞謁禱聲而  
莫知其所以然明日遂御玉華閣召宰執書傳位東宮四字以付蔡攸又一日欽宗  
遂即位寔宣和七年十一月辛酉也明年正月己巳赤白囊至徽祖夜出通津門以  
如亳社幹離不既退師龍德行宮在京口織人乘間有劔南自奉之疑奉表亟請歸  
京師駕至睢陽李忠定綱奉詔迎謁見于帷殿既辭遂出所焚詞藁俾宣示宰執百  
官忠定家有藏本焉其辭曰奉行玉清神霄保仙元一六陽三五瓊璣七九飛元大  
法師都天教主臣某誠惶誠恐頓首頓首再拜上言高上玉清神霄九陽總真自然  
金闕臣曩者君臨四海子育萬民緣德菲薄治狀無取干戈並興弗獲安靖以宗廟  
社稷生民赤子為念已傳大寶于今嗣聖庶幾上應天心下鎮兵革所冀過歸遂順  
宇宙得甯而基業有無疆之休中外享昇平之樂如是賊兵偃戢普率康甯之後臣  
即寸心守遵樂處閒寂願天昭鑒臣弗敢妄將來事定復有改革窺伺舊職獲罪當  
大已上祈懇或未至當更乞垂降災咎止及眇躬庶安宗社之基次保羣生之福五  
兵永息萬邦咸甯伏望真慈特賜省鑒臣謹因神霄直日功曹史齋臣密表一道上

詣神霄玉清三府。引進僊曹。伏願告報。臣誠惶誠恐。頓首頓首。再拜以聞。於序禹湯罪己。其興也勃焉。聖心其有以得於天矣。按蔡條國史。後補載徽祖教門尊號。為玉京金闕七寶元臺紫微上宮靈寶至真玉宸明皇大道君。與此不同意。歸美之稱。不欲以自名耳。唐武宗會昌投龍文。稱承道繼玄。昭明三先弟子。南嶽上真人。今茅山龍虎閣。早實有三壇符籙。徧天下。受之者亦各著稱。謂或者帝王之號。又有其別。殆未可知也。

建隆三年五月。詔增修大內。時太歲在戌。司天監以興作之禁。移有司毋繕西北隅。藝祖按視見之。怒問所繇。司天以其書對上曰。東家之西。即西家之東。太歲果何居焉。使二家皆作。歲且將誰凶。司天不能答。於是即日涖撤一新之。今世士大夫號於達理者。每易一椽。覆一簣。翦翦拘泥。不得即決。稽之聖言。思過半矣。

金酋亮未篡。偽封岐王。為平章政事。頗知書。好為詩詞。語出輒崛。愬愬有不為人下之意。境內多傳之。且驟施於國。東昏疑焉。未及誅。而有霄儀之禍。宗族大臣。以亮有素譽。因共推戴。既立。遂肆暴無忌。佳兵苛役。以迄于亡。然其居位時。好文辭。猶不輟。余嘗得其數篇。初岐王以事出使。道驛有竹。輒詠之曰。孤驛瀟瀟竹。一叢不同凡。



卉媚春風我心正與君相似只待雲梢拂碧空又書壁述懷曰蛟龍潛匿隱滄波且  
與蝦蟆作混和等待一朝頭角就掀搖霹靂震山河既而過汝陰復作詩曰門掩黃  
昏染綠苔那回踪跡半塵埃空亭日暮鳥爭噪幽徑草深人未來數仞假山當戶牖  
一池春水逸樓臺繁花不識興亡地猶倚闌干次第開又嘗作雪詞昭君怨曰昨日  
樵村漁浦今日瓊川小渚山色捲簾看老峯巒錦帳美人貪睡不覺天花剪水驚問  
是楊花是蘆花一日至卧內見其妻几間有巖桂植瓶中索筆賦曰綠葉枝頭金縷  
裝秋深自有別般香一朝揚汝名天下也學君王著赭黃味其詞旨已多圭角蓋其  
蓄已不小矣及得志將圖南牧遣我叛臣施宜生來賀天申節隱畫工於中使圖  
臨安之城邑及吳山西湖之勝以歸既進繪事大喜矚然有垂涎杭越之想亟命撤  
坐間軟屏更設所獻而於吳山絕頂貌己之狀策馬而立題其上曰萬里車書益混  
同江南豈有別疆封提兵百萬西湖上立馬吳山第一峯遷汴之歲已弒其母矣又  
二日而中秋待月不至賦鵲橋倦曰停盃不舉停歌不發等候銀蟾出海不知何處  
片雲來做許大通天障礙虬髯斷星眸睜裂惟恨劔鋒不快一揮截斷紫雲腰子  
細看嫦娥體態明年竟遂前謀使御前都統驃騎衛大將軍韓昶和將射鵬軍二萬

三千園子細軍一萬先下兩淮臨發賜所製喜遷鶯以為寵曰旌麾初舉正駛駢力  
健嘶風江渚射虎將軍落鵬都尉繡帽錦袍翹楚怒礫戟鬚爭奮捲地一聲鼙鼓笑  
談項指長江齊楚六師飛渡此去無自墮金印如斗獨在功名取斷鎖機謀垂鞭方  
畧人事本無今古試展卧龍韜韞果見成功且莫問江左想雲霓望切玄黃迎路余  
又嘗問開禧降者能誦憶尚多不能盡識觀其所存寓一二於十百其桀驁之氣已  
溢于辭表它蓋可知也犬狺鴉鳴要充其性不足乎議軟屏詩正隆事迹以為翰林  
修撰蔡珪所作說曰御製反覆它作似出一機杼或者傳疑益說抑其餘皆出于視  
草亦無所致詰錄所見者聊以寓志怪云洪文敏夷堅支景僅載其二它不傳